

# KIDIMBU YA YIYA



Mbote. Beto kulumusa bayintu ya beto ntangu yayi na mwa ntangu fioti, samu na bisambu.

<sup>2</sup> Tata ya beto ya kufuluka na Lemvo mpe ya Mazulu, beto ke na kupusana diaka na Nge na nkokila yayi, ntangu yayi, na Nkumbu ya Mfumu Yesu, samu na kupesa Nge matondo samu na kilumbu yankaka. Mpe beto ke na kulomba ntangu yayi masakumunu ya Nge na zulu ya kisalu na nkokila yayi. Bika ti Mpeve-Santu kukwisa mpe kupesa beto ntendulu ya bima yayi beto ke na kusosa na kikesa nionso. O Nzambi, bika ti yawu vwanda ya ntalu mingi ti beto nionso lenda vwanda kintwadi pene-pene ya Ndinga na mutindu yayi, ti, ntangu beto ke kwenda, beto ke vwanda na lenda ya kutuba, “Bantima ya beto vwandaka pela ve na kati ya beto mutindu Yandi vwandaka tuba na beto na nzila?” Beto ke tonda Nge samu na yina Yandi me vwanda samu na beto, mpe beto ke tula kivuvu ti Yandi ke vwanda na beto mutindu beto ke sala nzietelo, Samu beto ke lombamba yawu na Nkumbu ya Yesu. Amen.

<sup>3</sup> Kiese mingi na kuvutuka na yinzo ya Mfumu, na nkokila yayi, na lukutakanu diaka! Mpe beto ke na kiese. Mu ke na kiese mingi ti . . .

<sup>4</sup> Mu banzaka ti Muntu yayi lendaka kwisa ve, kasi na nsuka Yandi me kwisa. Mpe na yawu mu ke vutula matondo mingi, ti ya kele mosi ya minati-mpunda yiya yayi ya nsuka yina, yina mu banza kele mosi ya Bansangu ya ngudi ya Dibuundu na ntangu yayi.

<sup>5</sup> Mu zaba ve yinki Yina yankaka kele. Mu ke na kubakaka kaka yawu kilumbu na manima ya kilumbu, kaka mutindu Yandi ke monisa Yawu. Mu ke na kumekaka na—na kupesa Yawu, na . . . mutindu Yandi ke pesa Yawu na munu.

<sup>6</sup> Beno me sepela na lusakumunu? [Dibuundu me tuba, “Amen.”—Mu.] Beno me mona mutindu Yawu ke tambula kaka, na ngwisani na bansungi ya dibuundu, kaka mutindu Yawu kele na ngwisani ya kulunga na kati ya bawu? Ya kele mutindu yina . . . Samu na munu, ya ke lakisa ti ya kele—ya kele Mpeve-Santu mosi yina ke pesaka bansungi ya dibuundu, Mpeve-Santu mosi yina ke na kupesa Yayi, beno me mona, samu ti ya ke tambula kintwadi; nionso yina kele mouvement mosi ya nene ya Nzambi, yina ke talisa Yandi na mutindu ya luswaswanu.

<sup>7</sup> Beno tala, ntangu Yandi kukitalisaka Yandi mosi na Daniel, na ba-vision, ya ke vwanda na kifwanisu ya kima mosi, mutindu nkombo na kisika yayi, to mu banza yinti; mpe kisika yina landaka ya ke vwanda kiteki. Mpe—mpe—mpe bima yina Yandi

salaka, na kusalaka yawu, kima mutindu mosi ntangu nyonso, beno vwanda kaka kieleka ti beto ke kondwa yawu ve.

<sup>8</sup> Ntangu yayi, mu vwandaka na mpasi ya kieleka na ntima na mwa ntangu fioti me luta, mu ke solula na mama mosi ya fioti yina me vwanda awa, pene ya bamvula makumi nana na tanu. Mpe yandi . . .

<sup>9</sup> Ntama mingi ve, kaka na ntwala mu kwenda na wesete, na yina, ya vwandaka na mwa mwana mosi ya kento kuna na Ohio, yina vwandaka, mu banza, yina vwandaka kufwa na kitezo ya nsuka ya leucemie. Ntangu yayi, leucemie kele cancer ya menga. Mpe, oh, mwana ya fioti ya mputu vwandaka kuna, beno zaba, na mutindu mosi ya mpasi mingi, ti kivuvu vwandaka dyaka ve samu na yandi ata fioti. Bawu vwandaka disa yandi na misisa, na lipaso. Mpe na yawu bawu vwandaka dibuta mosi ya mputu mingi. Mpe bawu . . .

<sup>10</sup> Mama Kidd, awa, mpe Mpangi Kidd, ba me tuba na bawu ti Mfumu ke pesaka mvutu na bisambu mingi. Mpe bawu vukanaka, mu banza, ba tumaka muntu mosi, mpe ba nataka mwana-kento ya ntwenya awa. Mpe yandi vwandaka mwana ya kento ya ntwenya ya kitoko mingi, pene, oh, bamvula sambanu, sambwadi. [Mpangi-kento mosi me tuba, “Bamvula yivwa.”—Mu.] Bamvula yivwa. Mpe—mpe yandi vwandaka na manima kuna na kati ya bureau. Mpe . . .

<sup>11</sup> Mpe ntangu beto kwendaka na ntwala ya Mfumu, Mpeve-Santu tubaka na yandi. Mpe ba lendaka baka yandi, mpe ba lendaka baka yandi mpe kudisa yandi, beno zaba, mutindu yina. Mpe ntangu yandi kwendaka, yandi vwandaka boka samu na kulomba hamburger, mpe, na yina, yandi vwandaka baka madia ya yandi na yinwa. Mpe ba pesaka yandi hamburger, mpe bawu landilaka na kudisa yandi na mutindu ya mumesanu.

<sup>12</sup> Na mwa ntangu fioti, na mwa bilumbu fioti, bawu vutukaka na yandi na dokotolo. Mpe bawu . . . Dokotolo vwanda bakula kima mosi ve. Yandi tubaka, “Mutindu ya kele ve, ya kele ve mwana ya kento mosi yina.” Yandi tubaka, “Oh, ya kele—ya kele ve ata na kidimbu mosi ya leucémie na yina me tala yawu, kisika mosi ve, ata kisika mosi ve.” Na yawu, mpe, yandi vwandaka kufwa. Bawu bikaka yandi kuna; na kudisaka yandi kaka na nzila ya misisa ya yandi. Yandi kumaka jaune. Beno zaba mutindu bawu ke kumaka. Mpe na yawu bawu . . . Mpe ntangu yayi yandi ke na lukolo, ke sakana na bana yankaka, kiese kaka mutindu yina lendaka vwanda.

<sup>13</sup> Mu ke bambuka moyo na diambu yankaka ya mutindu yina. Kilumbu mosi, mu vutukaka na yinzo, ya vwandaka na . . . Kana mu me zimbana ve, ya vwandaka na ba-Pisekopo to ba-Presbytérien, yina nataka mwana mosi ya kento ya ntwenya yina katukaka na Kansas. Mpe badokotolo bikaka yandi, na leucemie. Mpe bawu pesaka yandi, mu banza, bilumbu yiya samu

na kuzinga; yandi kumaka yimbi mingi. Na yina bawu tubaka ti bawu ke sadila kaka bilumbu yiya yina samu na kwisa awa, ba salaka nzietolo na kati ya kinkuku ya mvula ya mpembe mpe nionso yina, na kati ya yinsi, samu ba sambila samu na yandi. Mpe nkooko ya bakala, na kutala bakala ya mbote mingi, bakala ya kukula mingi, yandi vwandaka na bansuki ya mpembe.

<sup>14</sup> Mpe ba vwandaka na yandi, dezia, bilumbu zole, kuna na mwa motel mosi. Mu—mu banza ti ya me telama kuna ve ntangu yayi, na lweka yayi ya Silver Creek. Mpe na yawu mu kwendaka na nkokila yina samu na kusambila samu na yandi. Ya vwandaka na suka-suka. Mu kumaka na mbanza, na nkokila yina, mpe mu kwendaka kuna. Mpe tata ya kiboba. . . nkooko ya bakala vwandaka tambula na kati ya kivinga. Mpe, mama, vwandaka meka na kukeba mwana.

<sup>15</sup> Mpe na ntangu mu fukamaka samu na kusambila, Mpeve-Santu monisaka na munu kinsweki mosi yina vwandaka na kati-kati ya mama na tata, samu na kima yina bawu salaka. Mu bokilaka bawu na lweka mpe yufulaka bawu yawu. Bawu bandaka na kudila, bawu tubaka, “Ya kieleka.”

<sup>16</sup> Na manima mu talaka, mpe mu monaka mwana ya kento ke sakana na nsinga, yina kwendaka, kusakana. Mpe ntangu yayi mwana yayi ya ntwenia. . . Pene ya basabala tatu, ba me tinda munu foto ya mwana-kento yayi ya ntwenia, yandi me vutuka na lukolo, ke sakana na nsinga, mpe vwandaka diaka ve na leucemie, ata fioti ve.

<sup>17</sup> Ntangu yayi, ntangu yayi, bimbangiyi yayi kele kaka ya kieleka, beno me mona. Na yawu, Nzambi ya beto kele kieleka, beno me mona. Beto ke sadilaka Yandi kaka mpe—mpe ke kwikilaka Yandi. Mpe—mpe mu—mu zaba ti Yandi kele kieleka.

<sup>18</sup> Ntangu yayi, mu ke na kumeka na kusala nionso, mpe na ntangu kima mosi, na kati ya beto, ke na kusalaka nzila ya Yawu. Mpe ntangu yayi beto ke meka, na nkokila yayi, na nzila ya lemvo ya Nzambi, samu na kubaka Kidimbu yayi ya Yiya, mpe kumona yinki Mpeve-Santu fwana tuba na beto, na kati ya Yawu.

<sup>19</sup> Ntangu yayi mu ke tanga Apocalypse, kapu ya 6, mpe kubanda na nzila ya 7; ya 7 mpe ya 8. Ya ke vwandaka ntangu nionso na banzila zole; ya ntete kele nsamununu, mpe nzila ya zole kele yina yandi monaka.

*Mpe ntangu yandi zibulaka kidimbu ya yiya, mu kuwaka ndinga ya kivangu ya yiya—ya yiya ke tuba, Kwisa mpe tala.*

*Mpe mu talaka, mpe mu monaka mpunda mosi ya kunzuluka: mpe nkumbu ya yandi yina vwandaka na zulu ya yandi (yina vwandaka) vwandaka Lufwa, mpe Difelo vwandaka landa. . . yandi. Mpe ba pesaka bawu ngolo na zulu ya bitini yiya ya ntoto, samu na kufwa na*

*mbele, mpe na nzala, mpe na lufwa, mpe na . . . bivangu ya ntoto.*

<sup>20</sup> Ntangu yayi, Mfumu sadisa beto ntangu yayi na kubakula Yayi. Ya kele mansweki.

<sup>21</sup> Ntangu yayi, samu na kusemisa yayi, samu na kuvutukila, mutindu beto salaka samu na bansungi ya dibuundu, minati-mpunda yayi mpe kuzibuka ya Bidimbu yayi. Ntangu yayi, na yina beto ke vutukila yawu na mabanza ya beto, beto ke tuba fioti tii kuna beto ke kuwa ti ya kele ntangu ya mbote samu na kutuba.

<sup>22</sup> Ntangu yayi, beto me tala ntangu yayi, ti, kuzibuka ya Bidimbu, ya kele Buku ya kukanga ya Mpulusu. Mpe na yina Buku kele ya kubalula mutindu rouleau, kaka mutindu ba vwandaka sala na ntangu ya ntama.

<sup>23</sup> [Mpangi Branham ke sadila ba-papié samu na kutalisa rouleau mpe mutindu ba vwandaka balula rouleau—Mu.] Ya vwandaka ve buku ya mutindu *yayi*; samu ti yayi me salama kaka ntama mingi ve, mutindu ya babuku yayi, na nsuka, oh, mu banza nkama mosi na makumi tanu, to kima mosi, nkama zole. Mpe na yina ba vwandaka balula yawu, na manima ba vwandaka bika nsongi ya yawu. Mutindu mu tubaka na beno mutindu ba vwandaka sala yawu, mpe Masonuku, kisika ya kumona yawu, mpe na Jérémie, mpe nionso yina. Na manima ba vwandaka balula yina me landa, na manima ba vwandaka basisa nsongi ya yawu, mpe mutindu *yayi*.

<sup>24</sup> Mpe mosi na mosi vwandaka Kidimbu mosi. Mpe ya vwandaka Buku ya kukanga na bidimbu sambwadi, mpe ya vwandaka . . . Ve mosi . . . Ntangu ba vwandaka . . . Ya vwandaka Buku ya kukanga na bidimbu sambwadi. Beno lemvokila munu.

<sup>25</sup> Mpe, na yina, muntu mosi ve na Mazulu to na ntoto, to na nsi ya ntoto, vwandaka ya kulunga samu na kuzibula Yawu to ata mpe kutala Yawu. Mpe Jean dilaka, samu ti yandi monaka muntu mosi ve . . . Samu ti, kana ba bakaka ve Buku yango na diboko ya Munkwa-kima ya kieleka . . . Kisika, ba zimbisaka Yawu na nzila ya Adam mpe Eve, mpe Yandi vutukaka kuna, na manima bawu zimbisaka bamuswa ya bawu na Ndinga, bansilulu, difwa ya bawu.

<sup>26</sup> Bawu, beno bambuka moyo, bawu vwandaka yala na zulu ya ntoto. Yandi vwandaka nzambi ya fioti, samu yandi vwandaka mwana ya Nzambi ya fioti. Mpe mwana ya Nzambi kele nzambi ya fioti. Ntangu yayi, yina kele ve ya kuswaswana na Masonuku. Mu zaba ti ya ke yitukisa.

<sup>27</sup> Kasi Yesu tubaka, “Kana beno ke bokilaka bawu, bayina Ndinga ya Nzambi ke kwisaka . . .” Mpe na nani Ndinga ya Nzambi ke kwisaka? [Dibuundu me tuba, “Baprofete.”—Mu.] Baprofete. “Kana beno ke bokilaka bawu, bayina Ndinga ya Nzambi ke kwisaka, ‘banzambi,’ wapi mutindu beno lenda

fundisa Munu na ntangu Mu ke tuba ti Mu kele Mwana ya Nzambi?" Beno me mona?

Mpe, ntangu yayi, bawu vwandaka banzambi.

<sup>28</sup> Mpe mutindu muntu, beno me butuka na dibuta yina beno me kuzwa nkumbu ya beno, beno kele mwana, mpe kitini ya tata ya beno.

<sup>29</sup> Mpe na yina—na yina ntangu disumu kotaka, beto monaka ti muntu yango zabukaka dibulu ya nene. Mpe—mpe menga ya bangombe ya babakala mpe ya bankombo, vwandaka kufika, kasi ya vwandaka ve kukatula disumu. Tii, Décolorant ya kieleka kwisaka, yina lendaka baka tasi ya disumu mpe kuvwanda yawu nionso, mpe kutinda yawu na mubebisi ya yawu ya kisina, yina vwandaka Satana.

<sup>30</sup> Ntangu ya me vutuka na Satana, yandi ke vingila ntangu ya yandi ya kuzimbana ya Kukonda nsuka. Ntangu yayi, yina ke talisa yina beto ke kwikilaka. Beto ke kwikilaka ti ya kieleka yandi ke vwanzama mpe ke zimbana kimakulu.

<sup>31</sup> Mu ke kwikila ti disumu ke zimbana. Mpe ntangu ba me funguna yawu, na zulu ya lufulu ya Menga ya Yesu Klisto, ya kele mutindu ba ke losaka ditona ya ntinta ya ndombe na kati ya basini ya masa ya Javel ya décolorant. Ya ke zenga yawu kaka na ba-produit chimique, mpe ya ke tinda yawu tii na kisika yina yawu me katuka. Beno me mona? Mpe ya kele mutindu yina Menga ya Yesu Klisto ke salaka.

<sup>32</sup> Na yina, ya ke tulaka dyaka muntu na simu yina ya dibulu ya nene, mutindu mwana ya Nzambi. Beno me mona? Mpe na yina yandi—na yina yandi ke kuma . . . Oh, mpe yandi . . . Ngolo ya luvangu ya Nzambi kele na kati ya yandi. Mpe, na kutala, ntangu nionso Nzambi lendaka tuma yawu na kusalama, ya ke salama. Mpe beto ke vutuka kuna. Na yina ntangu . . .

<sup>33</sup> Moise, na nsi ya menga ya bangombe; mpe ntangu yandi kutanaka na Nsemo yina, Dikunzi ya Tiya na kati ya mulaka ya tiya yina. Mpe yandi telemaka, kuna, na lutumu yina Nzambi pesaka yandi. Mpe yandi vwandaka profete. Mpe ntangu Ndinga ya Mfumu kwisaka na yandi, yandi zonzaka, mpe bima mpe vangamaka na nzila ya Ndinga. Beno me mona?

<sup>34</sup> Ntangu yayi, kana ya vwandaka mutindu yina na nsi ya yina, menga ya bangombe ya babakala, yinki samu na Menga ya Yesu? Ya vwandaka ve ya kufika; kasi ba ke lemvokila yawu, ya muvimba. Mpe beno ke telama na Ntwala ya Nzambi, mutindu mwana yina ba me vulusa. Ntangu yayi, beno me mona, Dibuundu kele ntama mingi na kisika ya yandi lendaka kuzinga. Mpe mu banza, bambala mingi, beto ke titibaka na kisika ya kubelama mpe kukutana na diambu.

Mu ke na kima yina mu zola tuba, mpe mu—mu ke tuba yawu na ntangu me lunga.

<sup>35</sup> Mpe ntangu yayi beno tala ti ya kele na kima ke na kutambula mbote ve kisika mosi na mabuundu. Mpe mu banza ti ya ke systeme ya denomination yina me nata na lweka mabanza ya bantu, mpe nionso yina, tii kuna bawu ke zaba ve mutindu ya kusala yawu. Ya kele kieleka.

<sup>36</sup> Kasi ba me sila na beto ti Yawu ke monisama. Mpe ntangu yayi ya kele na Bidimbu Sambwadi yina Buku yayi me kangama na yawu. Mpe Bidimbu Sambwadi yango ntangu yayi. . .

<sup>37</sup> Na yina na manima ya Bidimbu Sambwadi yayi me mana, beto ke mona, na Apocalypse 10, ya vwandaka na Banzasi sambwadi ya mansweki yina ba tumaka Jean na kusonika, kasi na manima ba pekisaka yandi na kusonika yawu. Mpe na ntangu ya Banzasi yina, beto ke mona Klisto, to, “Wanzio kulumukaka na mukyama, mpe tulaka makulu ya Yandi na zulu ya ntoto mpe na zulu ya nzadi, mpe zengaka ndefi ti ntangu vwandaka diaka ve, na ntangu yina.”

<sup>38</sup> Mpe na yina beto ke mona—ke mona, ti na kumonana ya Bidimbu, ti Mwana-dimeme me bika kisalu ya Yandi ya kivukisi mutindu Musambidi, mpe me basika ntangu yayi samu na kulomba bamuswa ya Yandi, nyonso yina Yandi sumbaka na lufwa ya Yandi.

<sup>39</sup> Mpe, na yina, muntu ve lendaka zibula Buku. Muntu mosi ve lendaka bakula Yawu. Ya vwandaka Buku ya Mpulusu. Mpe Nzambi Tata, Mpeve, vwandaka na Yawu na kati ya diboko ya Yandi, samu ti Klisto vwandaka na Kiti ya kimfumu mutindu Muvukisi, Muvukisi kaka mosi. Na yina, ya lendaka vwanda ve na santu, Marie ve, Joseph ve, kima yankaka ve, na autel yina, samu ya vwandaka Menga. Mpe kaka Menga ya Yesu lendaka katula masumu, na yawu kima yankaka ve lendaka vwanda ya kutelama mutindu Muvukisi. Ya kieleka. Kima yankaka vwandaka ve.

<sup>40</sup> Na yina dibanza yayi nionso ya kusambila Jude samu na politiki, mpe kusambilaka Santu Cecile samu na kima yankaka, yina ke buzoba. Yina kele ve. . . Mu—mu ke tuba ve ti bantu yina kele ve ya kusungama mpe ya kieleka. Mu ke tuba ve ti beno kele ve ya kieleka na kati ya beno na kusalaka yawu, kana beno ke salaka yawu. Kasi, beno kele na foti, beno—beno kele ya kieleka na foti. Mpe nyonso. . .

<sup>41</sup> Ba ke tuba, “Mbote, Wanzio yayi—yayi, yayi—yayi monikaka na Santu Boniface mpe tubaka *yayi*, *yina*, mpe *yankaka*. Mpe bawu lenda tuba mutindu *yayi*.” Mu ke tula ntembe na yawu ata fioti ve, na mabanza ya munu, samu ti muntu mosi me mona vision. Mu—mu ke na ntembe ve ti Joseph Smith kumonaka vision, kasi ya vwandaka ve landila Ndinga nionso. Na yawu, samu na munu, ya kele foti. Beno me mona? Ya fwana kwisa na Ndinga nionso.

42 Ya kele mutindu bansungi ya dibuundu, mpe Bidimbu, mpe nionso yankaka ya Yawu. Mpe ntangu muntu mosi ke banza ti yandi ke na Banzasi Sambwadi yina, kana yawu ke fwanakana ve na Ndinga nionso, kima mosi ke tambula mbote ve. Beno me mona? Ya fwana kwisa, MUTINDU ME TUBA MFUMU, samu *Yayi* kele Buku. *Yayi* kele Luzayikisu ya Yesu Klisto, na muvimba ya Yawu nionso.

Ntangu yayi, mu—mu ke kwikila ti Mwana-dimeme me basika.

43 Bawu zabaka ve. Jean vwandaka dila. Yandi monaka muntu mosi ve, na Zulu, na ntoto, samu bayina nionso vwandaka na simu ya dibulu ya nene, beno me mona, disumu. Ya vwandaka ve na muntu. . . Mpe Wanzio, ya kieleka, Yandi zolaka vwanda ya kulunga, kasi, na manima ya nionso, ya zolaka vwanda Tata Mukudi. Ya zolaka vwanda muntu. Mpe ya vwandaka ve na kima ya mutindu yina, samu ti muntu nyonso kubutamaka na nzila ya sexe.

44 Ya vwandaka lomba Yandi Muntu yina butukaka kukondwa yawu. Na yawu Nzambi Yandi mosi bakaka yawu, na mbutukulu ya bumwense, mpe kumaka Emmanuel. Menga ya Yandi vwandaka, mbote, Yandi yina vwandaka ya kulunga. Na yina ntangu Yandi zabukaka dibulu yayi ya nene, Yandi mosi, mpe futaka ntalu mosi mpe tungaka kiamvu samu na beto nionso na kuzabuka, na yina Yandi vwandaka, samu na kuvwanda Muvukisi. Mpe Yandi vwandaka ya kuvwanda kuna.

45 Mpe Buku vwandaka ya kukanga, na ntangu nyonso yina. Ya kele kuna, kasi Yawu kele dyaka na bidimbu. Bawu monaka Yawu. Jean mpe monaka Yawu. Nsamununu, ntangu ya ntete kwizaka, yandi tubaka, “Mpunda ya mpembe basikaka; yandi vwandaka na munati-mpunda na zulu ya yandi; yandi vwandaka na mukyama na diboko ya yandi.” Yina kele kidimbu. Ya kele ve ya kumonisama. Ve. Ya kele kaka kidimbu. Mpe, landila muntu nyonso na zulu ya ntoto, yandi lendaka tuba mutindu yina. Ya kieleka. Yandi lendaka bula disakuba mpe yandi ke tekita, na ntembe ve, yandi ke bula kisika mosi *awa* to *kuna*, mpe na manima ya mwa ntangu fioti.

46 Kasi beto talaka, kuna, ti na Buku ya Apocalypse, “Na Nsangu ya wanzio ya sambwadi, mansweki (mansweki nionso ya Yawu) fwana monisama pwelele kaka na ntangu yina.” Ntangu yayi, ya kele Apocalypse 10:1-7, ti Yawu ke monisama pwelele na ntangu yina, na ntangu yina Yandi ke sala yawu.

47 Na yina Banzasi Sambwadi basisaka bandinga ya bawu ya ngitukulu, mpe Jean zolaka sonika. Kasi, Jean zabaka yina Yawu vwandaka, kasi yandi—yandi sonikaka Yawu ve samu ti yandi vwandaka ve na muswa ya kusonika Yawu. Ya kele kieleka, mpe nyonso, mansweki. Ya kele ve na bidimbu to kima mosi. Beto zaba kaka Yandi. . . Yawu bokaka, kaka yina.

48 Mpe ntangu yayi na kulongoka yayi ntangu yayi, beno zimbanana ve, ntangu yayi, na Lumingu, to na Lumingu na suka, beto zimbanaka kubeluka ya nzutu samu na kupesa bamvutu na—na bakiuvu ya bantu. Ntangu yayi, mu zola ti beno kuzwa kyuvu na zulu ya Bidimbu Sambwadi yayi, kana ya ke yangisa beno, kima yina beno ke bakula ve. Beto ke kuzwa yawu na Bidimbu Sambwadi. Na yina mu lenda tuba, na Kilumbu ya sambanu na nkokila, kana ya kele mingi samu na—na kupesa mvutu na yawu, to ve, beno me mona. Mpe kuna kaka ntangu yayi, samu na kutuba kaka, mbote, samu na kima yankaka, to, “Mu lenda sala *yayi?*” To—to, samu na ndosi mosi beno kuzwaka. Yayi, yayi nionso kele ya kulunga, ntangu yayi, beno bambuka moyo. Yawu kele bima ya kulunga. Kasi beto bikala kaka na Bidimbu Sambwadi. Ya kele dilongi ya beto. Ti beto . . . Balukutakanu yayi kele samu na yina, Bidimbu Sambwadi. Beto bikana kaka na Yawu.

49 Mu fwana vutuka na yinzo, mu ke na mwa balukutakanu kuna na wesete. Mu ke vutuka diaka, na mwa ngonda mosi to zole, to kima mosi ya mutindu yina, mpe mu banza ti Mfumu ke pesa muswa ti beto kuzwa kima yankaka na zulu ya yawu, mu banza kosalu ya kubeluka ya nzutu to kima yankaka, to nionso yina beto ke . . . nionso yina ya kele.

50 Na yina beto ke na Bampungi Sambwadi awa, yina ke na kwisa kuna, beno me mona. Mpe nionso ke na kwisa na kati kuna, mpe. Mpe Bambungu Sambwadi, beno me mona, yina ke tiamuka kuna. Na yawu, mpe nionso yayi ke vwanda na kati awa, kasi nionso kele na mansweki.

51 Ntangu yayi, mazono na nkokila . . . Beto monaka ti Kidimbu ya Ntete basikaka, mpe munati-mpunda . . . Mpe Mfumu . . . Ya kieleka mu ke tuba na beno, mu zabaka yawu ve na ntwala. Ata mosi ya bima yayi mu zabaka ntete. Ya kele kieleka. Mpe mu zaba kaka ve.

52 Mu ke kwenda kaka kuna, mpe mu ke baka Biblia mpe mu ke vwanda, mpe mu ke vwanda kuna tii ntangu Yawu ke banda na kuzibuka mutindu yina. Mu ke baka kaka kilapi ya munu mpe mu ke banda na kusonika. Mpe mu ke vwanda kaka kuna, na kutala bangunga, tii Yawu ke—Yawu ke mana.

53 Na yina mu ke vutuka, mpe mu ke tala, mu ke mona kisika Yandi tubaka Yayi. Mu banzaka, “Mbote, ya ke monana ti mu me monaka yawu kisika mosi kuna.” Mu baka yina ya munu, mu ke tala yawu. “Ya kele na kima mutindu Yina? Mpe awa Yawu kele kaka *awa*. Mpe na manima Yawu yayi diaka *awa*. Mpe Yawu yayi *awa* na manima, mpe *awa* na nsi, mpe na zulu *awa*.” Na yina mu ke vukisa Yawu mbote-mbote. Mu zaba ti ya kele Nzambi, ntangu nyonso yina Yawu ke fwanakana na Masonuku na Masonuku. Ya fwana vwanda mutindu yina. Kaka mutindu



kutunga kivinga mosi, matadi fwana kwelana, ditadi na zulu ya ditadi.

54 Ntangu yayi, mazono na nkokila beto vwandaka na kuzibuka ya—ya Kidimbu ya Tatu. Ntete vwandaka mpunda ya mpembe, mpe yina vwandaka landa vwandaka mpunda ya mbwaki, mpe na manima mpunda ya ndombe. Mpe beto me mona ti minati—mpunda yina vwandaka munati—mpunda mosi, ntangu nionso; mpe yina vwandaka mbeni ya Klisto, na kubanda. Yandi vwandaka ve—ve na yimpu ya kimfumu, kasi yandi kuzwaka mosi na ntwala. Na yina beto me mona ti na manima ba pesaka yandi mbele ya yinda, samu na kukatula ngemba na ntoto, mpe beto me mona ti yandi salaka yawu. Mpe na manima yandi me kwisa na ba-dogme ya kupesa, dibuundu yina vwandaka na mbongo, na kutezaka *yayi* samu na palata mosi, *yina* samu na bapalata zole. Kasi ba pekisaka yandi na kusimba Mafuta mpe vinu, yina vwandaka fioti yina bikanaka.

55 Mpe na manima beto pesaka, beto manisaka mazono na nkokila, na kufwanikisaka yina Mafuta mpe vinu vwandaka, mpe yina vwandaka kisalu ya Yawu. Mpe beto . . . Yawu lendaka wakana mwa ngolo fioti, kasi mu . . . yawu ke kaka Kieleka. Beno me mona? Ntangu yayi, beto me manisa na . . . Beto vutukila yawu, kaka mwa ntangu fyoti, kuna. Mpe na manima beto me manisa, na kuzonzila ngolo ya vinu, yina Mafuta vwandaka talisa, Mpeve. Ntangu yayi, mu banza ti beno nionso me sonika yawu. Beno ke kuzwa yawu na bande, kana beno salaka yawu ve. Mpe bisika nyonso kuna na Masonuku, ti, Mafuta ntangu nyonso ke talisaka Mpeve-Santu. Mutindu bamwense ya bulawu ya kukondwa Mafuta, bamwense ya ndwenga na Mafuta, yina kele Mpeve-Santu. Mpe na yina, beto me vutuka na—na baprofete, mpe nyonso yina. Mpe ntangu yayi mu . . .

56 Kieleka, mu ke meka ve na kupesa Masonuku nionso na kati kuna. Mpe ya kele na bima yina beno lenda kuzonza ve; ya ke baka ntangu mingi. Kasi mu ke meka na kutula yawu, na Masonuku mpe nionso yina, kupesa kaka mingi na bantu samu ti bawu kuzaba mpe kubakula Yawu. Kasi kana beno vwanda na mosi ya Bidimbu yayi, na yina, oh, la la, beno lenda longa bankokila nionso, kaka na zulu ya Kidimbu yina, mpe beto ke simba ve na nsongi ya Yawu, beno me mona, na zulu ya mosi ya Yawu. Mpe beno tala wapi mutindu—wapi mutindu Yawu kele nene. Kasi, beto ke sukaka kaka bima ya nene ya Yawu, na yina beno lenda—beno lenda mona Yawu nionso.

57 Ntangu yayi, mutindu Mafuta vwandaka talisa Mpeve-Santu, na yina beto ke mona ti mafuta mpe vinu kele ya kukangama na bisambu, beno me mona, ntangu nionso ya kukangama na bisambu.

58 Mpe vinu, mu tubaka, yina me kwiza na munu, ti vinu vwandaka talisa ngolo ya—vwandaka talisa ngolo ya luzatu na

nzila ya luzayikisu. Beno me mona? Mpe ya kele ntangu kima mosi me monisama. Ya ke pesaka luzatu na mukwikidi, samu ti ya me talisama na nzila ya luzayikisu. Beno me mona? Ya kele kima yina Nzambi me tuba. Ya kele dinsweki; ba lenda bakula Yawu ve, beno me mona. Mpe, na manima ya mwa ntangu fioti, Nzambi ke kulumuka mpe ke monikisa Yawu, mpe na manima ke siamisama Yawu.

<sup>59</sup> Beno bambuka moyo, kana Kieleka me monisama pwelele, Kieleka me siamisama. Nzambi, ntangu nionso, wapi mutindu muntu fwana vwanda na mayele, ya kulutula mayele yandi lendaka wwandaka na mabanza ya yandi; kana Nzambi me simbisa ve yina yandi ke tuba, ya kele na kima ke tambula mbote ve. Beno me mona? Kieleka. Samu ti, ya kele Ndinga.

<sup>60</sup> Ntangu yayi, na ntangu Moise kwendaka kuna na nsi ya lutwadusu ya kimpeve ya Nzambi, mpe tubaka, “Bika ti banzinzi kukwisa.” Banzinzi kwisaka. Yandi tubaka, “Bika ti bakiula kukwisa.” Bakiula kukwisaka.

<sup>61</sup> Beno me mona, yinki kana yandi tubaka, “Bika ti banzinzi kukwisa,” mpe ya kwisaka ve? Beno me mona, na yina yandi—yandi tubaka ve Ndinga ya Mfumu, beno me mona; yandi zonzaka kaka, yandi zonzaka ndinga ya yandi mosi. Yandi lendaka banza kaka ti ya zolaka vwanda na banzinzi. Kasi, banzinzi kwisaka—kwisaka ve, samu Nzambi tubaka na yandi ve mutindu yina.

<sup>62</sup> Mpe ntangu Nzambi ke tuba na beno kima mosi, mpe ke tuba, “Beno kwenda sala *yayi*, mpe Mu ke vwanda na yawu, samu yayi kele Ndinga ya Munu,” mpe Yandi ke lakisa yawu na kati ya Biblia, na manima Nzambi ke telama kaka na manima ya yawu. Mpe ata ti ya kele ve ya kusonika na kati ya Biblia, Nzambi kele ya kutelama na manima ya yawu, na mutindu nyonso, kana ya kele Ndinga ya Nzambi. Beno me mona?

<sup>63</sup> Mpe na yina kana ya kele na ngaanda ya yawu, ya ke monisama na baprofete. Beto me bakula ti mansweki nionso ya Nzambi me talisama na baprofete, mpe na bawu kaka. Beno me mona, Amos 3:7.

<sup>64</sup> Ntangu yayi, ntangu yayi, ngolo ya luzayikisu ke nataka luzatu na mukwikidi. Samu ti, ngolo ya vinu, vinu ya yinza, kele kupesa luzatu. Beno me mona? Ya ke nataka—nataka, luzatu, na muntu yina kele na kyadi. Beno me mona? Beno me mona? Mbote, na yina, ntangu yayi, ya kele na ngolo ya luzayikisu ya Ndinga, yina ke pesaka luzatu ya kyese na mukwikidi, luzatu ya nsayi, luzatu ti Ya me siamisama, Yawu me talisama.

<sup>65</sup> ba me bokila yawu, na kati ya Masonuku, mutindu yina beto ke bokilaka yawu, mutindu “vinu ya malu-malu.” Beto ntangu nyonso beto ke bokilaka yawu mutindu yina, mutindu, “Bayayi kele ya kulawuka na vinu ya malu-malu.” Beno me mona? Mbote mingi. To, “vinu ya kimpeve,” mu banza, yayi ke

vwanda ntendulu ya kulutila mbote. Ya ke vwanda, “vinu ya kimpeve.” Mutindu vinu ya kimuntu ke monikisa yawu mosi na ngolo ya luzatu, mutindu mosi vinu ya malu-malu ke salaka, mutindu Yawu ke monisa Ndinga ya Nzambi, yina kele Mpeve. Oh! Ntangu yayi ya kele. . . ya kele. . . Beno me mona, Ndinga Yawu mosi kele Mpeve. Beno ke kwikila yawu?

<sup>66</sup> Beto tanga yawu. Beto tanga yawu, Santu Jean 6. Beto fwana kaka. . . Yinga, na yina beno—na yina beno—beno ke tuba ve, “Mbote, ntangu yayi, muntu mosi tubaka yawu.” Beto—beto tala Nani me tuba yawu, mpe na yina beto ke zaba kana ya kele Kieleka, to ve. Santu Jean, kapu ya 6. Mpe kapu 6, mpe mu banza ti ya kele makumi sambanu. . . nzila ya 63, mbote mingi, mu banza yawu yayi. Yinga.

*Ya kele mpeve yina ke pesaka luzingu; nsuni ke na mfunu mosi ve: mambu yina mu ke tuba na beno, kele mpeve, mpe luzingu.*

<sup>67</sup> Ndinga Yawu mosi kele Mpeve. Yawu kele Mpeve na mutindu ya Ndinga. Mpe na yina, beno me mona, ntangu Yawu me kindisama, to me nata luzingu, Mpeve ya Ndinga ke kota na kisalu mpe ke sala kisalu. Beno me mona? Samu ti. . .

<sup>68</sup> Ntangu yayi beno tala awa. Dibanza fwana vwanda dibanza ntete ya lendaka vwanda ndinga. Mpe na manima ntangu dibanza me talisama, ya kele ndinga. Ntangu yayi, *yayi* kele dibanza ya Nzambi yina Yandi me tula na kati ya Ndinga. Mpe kuna ntangu beto ke yamba Yawu na Yandi, Yawu ke kuma Ndinga.

<sup>69</sup> Nzambi monisaka na Moise yinki kusala. Moise tubaka yawu, mpe yawu salamaka. Beno me mona? Yawu yina, ntangu yawu me katuka kieleka na Nzambi.

<sup>70</sup> Ntangu yayi beto ke mona ti, ti—ti Yawu—Yawu ke pesa kiese, samu ti Yawu kele Ndinga ya Nzambi. Mpe vinu ya malu-malu, vinu ya malu-malu ke pesaka luzatu. . . ntangu Yawu ke monikisa Ndinga. Na yina, ya ke nataka kiese ya kulutila kitezo, bantangu yankaka. Beto me mona yawu, ti ya ke nataka kiese ti ya ke lutila beno.

<sup>71</sup> Ntangu yayi, mu zaba ti kele na mingi ya bufanatiki, mpe bantu ke landila. Mu zaba bantangu yankaka ba ke salaka yawu ntangu muziki me yanduka mbote-mbote, mpe nionso yina. Mpe mu zaba ti ya ke salamaka. Mpe mu—mu ke kwikilaka yawu, mpe. Kasi mu me monaka bantu na kilumbu yina, na ntangu muziki ke bula, bantu nionso vwandaka pamuka mpe ke boka; kasi ntangu muziki telemaka, yawu telemaka. Beno me mona? Mu ke kwikila. . . Mbote, ti, yina kele kaka mbote, samu na munu, beno me mona, na ntangu bantu ke zinga mbote. Mpe. . .

<sup>72</sup> Kasi, ntangu yayi, na yina, beno banda na kulonga Ndinga! Ntangu yayi, yina kele kima yina kieleka ke nataka Luzingu, kele Ndinga, mpe yina ke nataka nsayi ya vinu ya malu-malu. Beno

me mona? Yinga. Mpe yawu yina ya vwandaka na Pentecote, ntangu Ndinga vwandaka me siamisama.

<sup>73</sup> Ntangu yayi beno tala. Ntangu yayi, Yesu tubaka na bawu, Luc 24:49, “Tala, Mu ke fidisa nsilulu ya Tata ya Munu na zulu ya beno; kasi beno ke kwenda na Jérusalem mpe beno vingila tii kuna.” Yinki vwandaka nsilulu ya Tata? Joël 2:28, na yina, beto ke mona ti, Yandi ke “mwangisa Mpeve.” Na Esaie 28:19, mutindu ya ke vwanda na “bikoba yina ke tekita, mpe bandinga yankaka,” mpe bima nionso yina.

<sup>74</sup> Bawu mataka kuna. Mpe mutindu beto me longuka yawu, mu banza mosi tubaka, “Mbote, mu ke kwikila ti beto me vingila mingi. Beto ndima yawu kaka na lukwikilu.” Yina vwandaka malongi ya mbote ya ba-Baptiste, kasi ya simbaka ve na bampangi yina.

<sup>75</sup> Na yina, kima ya ntete beno zaba, ya zolaka vwanda kieleka. Mpe bawu vwandaka vingila ministere ya bawu, samu Ndinga ke siamisama. Mpe ntangu beno ke kwisa samu na kusosa Mpeve-Santu, beno ke sala mutindu mosi.

<sup>76</sup> Yinga, beno lenda ndima yawu na lukwikilu. Beno fwana ndima Klisto na nzila ya lukwikilu. Yina kele kieleka ya kulunga. Mpe beno ke ndima Mpeve-Santu na lukwikilu; kasi na yina bika Mpeve-Santu kukwisa mpe kupesa nzengolo, mutindu kimbangi ti Yandi me ndima lukwikilu ya beno, beno me mona. Na yina, beno me mona, “Abraham kwikilaka na Nzambi, mpe yandi vwandaka ya kundima samu na ludedomo.” Kasi Nzambi pesaka yandi kidimbu ya nzengolo, mutindu nsiamisa ti Yandi me ndima lukwikilu ya yandi.

<sup>77</sup> Na yina ya kele kima mosi yina beto fwana sala. Beto fwana vingila Mpeve-Santu tii Yawu ke sala kima mosi; ya kele ve kaka samu beto me tuba na bandinga, ve samu beto me kina, to beto me kuzwa ba-emotion, beto me boka. Tii kuna beto ke soba; tii kuna kima mosi kieleka ke salama! Mu ke tala ve mutindu yawu ke kwisa. Na yina ya me salama, ya kele kima ya ngudi. Beno me mona?

<sup>78</sup> Mpe mu ke kwikilaka ti kuzonza na bandinga mpe bima nyonso yayi yankaka kele nionso mbote, kasi na yawu mosi ya ke sala ve. Mpe beno zaba ti yawu ke sala ve. Na yawu, yawu ke sala yawu ve.

<sup>79</sup> Mu me monaka bandoki ya bakento kutuba na bandinga, mu me monaka bandoki kuzonza na bandinga mpe kubina na mpeve. Kieleka. Ba vwandaka tulula kilapi kuna mpe ya ke sonika na bandinga ya kuzabana ve. Mpe muntu mosi ke tendula yawu, ya kele kieleka, mpe ke tuba kieleka. Ya kieleka. Sonikaka kieleka yina salamaka, mpe ya vwandaka kaka kieleka mutindu yina. Beno me mona bawu ke losa putulu na yintu ya bawu, mpe ke zenga bawu mosi na bambele, mpe fuka yawu nyonso na

menga ya mvudi to kima, mpe—mpe, kieleka, beno me mona, mpe kubokila dyabulu. Na yawu, beno me mona, yina ve. . .

<sup>80</sup> Zonza na bandinga ke sala yawu ve. “Ata ti mu me tuba bandinga ya bantu mpe Bawanzio, mpe kana mu ke na zola ve, mu ke na mfunu ya yawu. Beno me mona, ata ti mu lenda sala yawu!” Beno me mona? Na yawu bima yango zola kutuba ve ti beno kele na Mpeve-Santu.

<sup>81</sup> Kasi ntangu Yandi, Muntu yayi, Mpeve ya Klisto yina ke kufwa ve ke kuma Mvulusi ya beno mosi, mpe ke soba beno, mpe ke losa kutala ya beno mutindu ya kusungama na Calvaire mpe na Ndinga yayi, kima mosi me salama. Yinga, tata. Kima mosi me salama. Muntu mosi ve lenda tubila beno yawu. Beno ke zaba yawu ntangu yawu ke salama.

<sup>82</sup> Mpe vinu ya malu-malu, ntangu yawu ke nataka luzayikisu, na yina Yawu—Yawu me monisama.

<sup>83</sup> Mpe ya vwandaka mutindu yina na Pentecote. Bawu zabaka ti—ti ya zolaka vwanza na Mpeve yina ke tiamuka na zulu ya bawu, mpe bawu vingilaka tii kuna yayi salamaka. Mpe ntangu nsiamisa ya luzayikisu kwisaka, na yina kuzatuka vwanza na zulu ya bawu. Ya kieleka. Bawu vwanza ningana-ningana, mpe. Bawu, na mbala mosi kwendaka na babala-bala; kisika, bawu vwanza na boma, mpe vwanza na bielo ya kukanga. Mpe bawu basikaka kuna na babala-bala; kisika, bawu vwanza na boma ya nkonga ya bantu; na kulongaka Nsangu ya mbote na bawu! Ya kieleka. Beno me mona? Kima kusalamaka, samu ti Ndinga ya kieleka ya nsilulu me siamisama.

<sup>84</sup> Ntangu yayi beto telema fioti awa. Kana yina me sepelisa bantu yayi, ti bawu—bawu. . . Na kutala mosi na mosi ya bawu kangaka kimbangi ya bawu na menga ya bawu. Ata ti nionso yina salamaka, ntangu nionso ba vwanza zinga, ba me vutukaka na Yawu ata fioti ve. Yawu bikanaka kuna, samu yawu vwanza Ndinga ya kieleka ya nsilulu, yina me siamisama. Luzayikisu yina me siamisama. Mpe bawu kufwaka, bawu kangaka kimbangi ya bawu na menga ya bawu mosi.

<sup>85</sup> Ntangu yayi beno tala nsilulu ya bilumbu ya nsuka. Mpe awa beto ke mona yawu me siamisama na ntwala ya beto, nkwezulu ya malu-malu ya Mpeve-Santu mpe bisalu yina Yandi zolaka sala, mpe beto ke mona yawu na kati ya beto. Beno me mona? Oh, beto fwana. . . Oh, la la! Wapi mutindu beto lenda kuwa? Kima mosi ke salama, mu ke tuba na beno, nkundi! Ntangu mukwikidi ya kieleka, ya kukwikama, ya kusungama, yina ba soolaka na ntwala, na ntangu Nsemo yina ke bula na zulu ya nkuna yina, Luzingu ya malu-malu ke basika kuna. Kento yina na dibulu ya masa!

<sup>86</sup> Ntangu, banganga-Nzambi yina ya kulonguka tubaka, “Mbote, yina kele diabulu. Yandi kele nganga-nkisi. Yandi ke—

yandi ke zonzaka kaka na bantu bunganga. Mpe yandi kele—yandi kele dyabulu.”

<sup>87</sup> Kasi, ntangu, kento yina ya fioti na nkuna yina ba soolaka na ntwala! Ntangu yayi beno ke banza ti ya ke kieleka ve? Kasi Yesu tubaka, “Muntu mosi ve lenda kwisa, kukondwa Tata ya Munu kubenda yandi; mpe bayina nionso Tata pesaka Munu ke kwisa.” Mpe Yandi. . .

<sup>88</sup> Mpe mbeni ya Klisto, na bilumbu ya nsuka, ke vwanda na lenda. . . Mpeve ya mbeni ya Klisto yina beto ke na kulonguka, na malongi ya denomination, mpe me talisa ti malongi ya denomination kele mbeni ya Klisto. Ntangu yayi, na lweka yankaka, bakala nyonso lendaka basika awa mutindu yina, yandi, ya kele na kima ke tambula mbote ve, mpe ke kwikila kaka ti systeme ya denomination kele mbeni ya Klisto ve. Ntangu, kieleka ya me siamisama, na masolo, na nionso yina kele, na kati ya Biblia ya Nzambi mpe nionso yankaka, ya kele mbeni ya Klisto. Mpe Rome kele yintu ya yawu. Mpe bana ya yandi ya bakento mabuundu ke landa yandi ntangu nionso. Bawu nionso ke losama na difelo. Ya kieleka. Na yawu beto ke mona kima yayi, mbeni ya Klisto, mpeve ya yawu.

<sup>89</sup> Mpe kilumbu yina beto ke na kuzinga, mpe, na yina, ya lendaka nata “kiese yina ba lendaka zonzila ve mpe ya kifuluka na nkembo.” Kento yina ya kiboba, kaka na ntangu yina bulaka yandi, oh, la la, nkuna basikaka!

<sup>90</sup> Ntangu yayi, beno bambuka moyo, Biblia ke tuba, ti na kilumbu ya nsuka, mbeni yayi ya Klisto ke “vuna yinza ya muvimba.”

<sup>91</sup> Ya ke vwanda kaka na lutangu ya fyoti, bawu yina bankumbu kele ya kutula na Buku ya Luzingu ya Mwana-dimeme na ntwala ya mbandukulu ya yinza. Mpe na ntangu nsiamisa yina ya kieleka ya Kieleka yina me monisama ya Ndinga ya Nzambi ke bula na ntima yina, yandi ke kwenda nswalu na maza, mpe yandi ke kwenda kuna na Mpeve-Santu, na nswalu nionso. Mpe beno lenda kanga yandi ve na kusala yawu, samu ti Luzingu ya malu-malu me kota.

<sup>92</sup> Mu vwandaka tuba na muntu mosi, ntama mingi ve, yandi vwandaka meka na kusolula na munu, mpe vwandaka tuba, “Nge ke na nsoni ve na kutuba ti Nzambi vangaka mazulu mpe ntoto na bilumbu tatu?” Mu. . . To, “. . . na bilumbu sambanu?”

Mu tubaka, “Yawu yina Biblia me tuba.”

<sup>93</sup> Yandi tubaka, “Mbote, beto kele na nzikisa mpe beto lenda talisa ti yinza kele na mafuku ya bamvula.”

<sup>94</sup> Mu tubaka, “Yina zola tuba kima mosi ve. Na Genèse 1:1, Ya me tuba, ‘Na mbandukulu Nzambi vangaka mazulu mpe ntoto.’ Yimeni! Yawu yina, beno me mona. ‘Ntangu yayi yinza vwandaka na mutindu ve, mpe ya mpamba.’” Mpe mu tubaka,

“Mu ke kwikila ti konso nkuna vwandaka kaka kuna, bimenina ya civilisation yankaka to kima mosi. Mpe kaka na ntangu masa basikaka, mpe nsemo bulaka yawu, mpe basikaka bayinti mpe nionso yina.”

<sup>95</sup> Mpe kima ya mutindu mosi na muntu, ya kele kifwani. Ntangu lubungi nionso katukaka, mpe monisaka Kieleka na nkuna yina ya kieleka yina kele kuna, yina kele dyaka musisa ya luzingu, mpe Nsemo ya Nsangu ya mbote ke bula yawu na nzila ya nsiamisa ya Ndinga, yawu ke zinga. Ya kele na Luzingu na kati ya yawu. Ya ke kwikila. Na ngaanda ya yawu, ya lenda zinga ve; ya kele ve na Luzingu na kati ya yawu.

<sup>96</sup> Bankumbu ya bawu kele ya kutula na Buku ya Luzingu ya Mwana-dimeme na ntwala ya mbandukulu ya yinza, fwana kwisa kaka. Mpe kikuma yawu yina Yesu ke vwanda kaka Kuna mpe ke vingila kisalu ya Yandi ya mvukisi, na kuvingilaka nkuna yina ya nsuka. Mpe Yandi ke zaba kieleka ntangu ya ke simba.

<sup>97</sup> Mutindu Docteur Lee Vayle . . . Mu banza ti yandi kele kaka na kati ya lukutakanu kisika mosi kuna. Ya me kuma bilumbu mingi mu ke mona yandi ve. Mu ke kwikila ve ti mu me mona yandi. [Mpangi-bakala mosi me tuba, “Yandi kele awa.”—Mu.] Yandi kele awa. Mbote, kilumbu yina yandi fidisaka munu kitini ya papié, na zulu ya yina Irénée tubaka. Mbote, mu soolaka Irénée, na mutindu nionso, mutindu wanzio ya nsungi yina yandi vwandaka zinga. Kasi yandi tubaka, “Ntangu mambeke yina ya nsuka ya Nzutu ke kota,” na nsungi yayi ya nsuka, “fwana vwanda . . . kima yango ke monisama pwelele na ntangu yina.” Mpe yawu yayi. Ya kele kaka kieleka. Beno me mona? Beto kele na kilumbu yango. Mbote mingi.

<sup>98</sup> Na yina, bantu ya Pentecote vwandaka na kyese mingi. Kieleka ba vwandaka kieleka ya kuzatuka. Mu banza, ya ke sala mutindu yina na muntu nyonso.

<sup>99</sup> Beto baka kaka mwa ntangu fyoti. Beto banza na David. Yandi—yandi vwandaka ya muvimba ya kuzatuka, mpe. Yandi tubaka, “Mbungu ya munu me fuluka.” Mu banza ti yandi vwandaka na diambu ya nene na luzingu ya yandi. Yinki, yinki salaka ti yandi kusala yawu? Ntangu yandi vwandaka na Mpeve . . . Samu, yandi vwandaka profete. Beto zaba ti yandi vwandaka profete. Biblia me tuba mutindu yina. Profete David, ntangu yayi, samu yandi vwandaka profete, mpe yandi vwandaka na kati ya Mpeve, mpe yandi monaka mvumbukulu. Kana beno zola kutanga yawu, ya kele na Psaumes 16:8 tii na 11. Yandi tubaka, “Mpe nzutu ya munu ke na kyese. Oh! Mu—mu me pema na kivuvu, samu ti Nge ke bika ve moyo ya munu na difelo; to dyaka ti Nge ke bika ve Muntu ya Nge ya Santu kumona kupola.” Mpe mu ke tuba na beno, mbungu ya yandi vwandaka ya kufuluka, samu yandi monaka. Ata nionso

yina ya vwandaka; oh, yandi monaka mvumbukulu, mpe ya kieleka yandi vwandaka . . . mpe mbungu ya yandi vwandaka ya kufulukuka.

<sup>100</sup> Diaka, David vwandaka na mbungu yankaka, na Samuel ya Zole, (mutindu beno ke na bilapi ya beno), Samuel ya Zole 6:14. Ya vwandaka na kuyuma.

<sup>101</sup> Ba nataka sanduku. Mbeni kotaka mpe bakaka sanduku ya Mfumu, mpe ba nataka yawu mpe tulaka yawu na ntwala ya Dagon, mpe Dagon kubwaka kizizi na ntoto. Mpe ba nataka yawu na mbanza yankaka, mpe bampasi bulaka yawu. Ya vwandaka . . . Yina vwandaka kima ya kulutila tiya na zulu ya maboko ya bawu, kuna. Mpe ba lendaka ve kukatula yawu, samu ti ya vwandaka ve na kisika ya yawu.

<sup>102</sup> Ntangu yayi, ntangu bawu tulaka yawu na zulu ya pusu ya bangombe, mpe bawu vwandaka vutuka na yawu. Mpe ntangu David monaka sanduku ke na kwisa, beno zaba yina yandi salaka? Yandi—yandi vwandaka me fuluka na kyese, mpe mbungu ya yandi vwandaka ya kufulukuka; luzatu! Ntangu yandi monaka Ndinga yina me monisama pwelele diaka na Israel, yandi kinaka na Mpeve, vwandaka baluka, baluka, baluka, baluka, mutindu yayi. Yinga. Mbungu ya yandi fulukaka, beno me mona. Samu na yinki? Yandi monaka Ndinga ke vutuka.

<sup>103</sup> Mpe mu banza ti muntu nionso ke vwanda ya kuzatuka fioti ntangu ba ke mona, na manima ya bamvula yayi nionso; mpe na yina Ndinga ya kieleka, na nzila ya nsilulu yina ba pesaka, me longama mpe me siamisama. Wapi ntangu! Wapi ntangu!

<sup>104</sup> Ntangu yayi beto tanga. Kana mu—mu ke landila na kuzonzila nionso yayi, mu ke kuma ve na dilongi ya munu, mpe mu ke kanga beno awa tii na ngunga ya kumi na ndambu. Mu ke bika beno kukwiza na ntangu ya mbote na nkokila yayi, na yawu mu fwana kubumba beno ntangu mosi ya mbote na nkokila yayi. [Dibuundu me tuba, “Amen.”—Mu.] Yinga. Yinga. Ve, mu vwanda kaka kumeka beno. Beno me mona? Mu kele . . . Beto zola kaka mutindu Mfumu ke twadisa beto. Ntangu yayi:

*Mpe ntangu yandi zibulaka kidimbu ya yiya, mu kuwaka ndinga ya kivangu ya yiya kutuba, Kwisa . . . tala.*

<sup>105</sup> Ntangu yayi, “Ntangu Mwana-dimeme zibulaka Kidimbu ya Yiya.” Beto telema awa ntangu yayi. Kidimbu ya Yiya, ntangu yayi, Nani me zibula Yawu? Mwana-dimeme. Muntu yankaka vwandaka ya kulunga? Muntu yankaka ve lendaka kusala yawu. Ve. Mwana-dimeme zibulaka Kidimbu ya Yiya.

<sup>106</sup> Mpe Kivangu ya yiya, Kivangu ya moyo mutindu ngononi, tubaka na Jean, “Kwisa, tala yina mansweki ya yiya ya manaka ya mpulusu, yina me bumbamaka na kati ya Buku yayi,” samu ti Mwana-dimeme vwandaka zibula Yawu. Na nzonzolo yankaka, ya kele yina yandi vwandaka tuba. “Ya kele na mansweki ya



yiya awa. Mu me lakisa beno, na bidimbu. Ntangu yayi, Jean, mu zaba ve kana nge me bakula Yawu, to ve.” Kasi, yandi sonikaka yina yandi monaka, kasi ya vwandaka mansweki. Na yina, yandi sonikaka yina yandi monaka.

<sup>107</sup> Mwana-dimeme vwandaka kubuka Bidimbu, mpe Nzambi ke monisa Yawu dyaka ve. Yawu bikanaka samu na bilumbu ya nsuka. Beno me mona? Ntangu yayi, beto vwandaka na bidimbu, mpe beto me longuka yawu, mpe beto salaka bima ya mbote na bantangu yankaka, beno me mona. Kasi beto zaba ti Yawu me landila na kukwenda na ntwala. Kasi ntangu yayi, na bilumbu ya nsuka, beto lenda tala na manima mpe kumona kisika Yawu vwandaka. Mpe yina zolaka salama, ti, na nsuka ya nsungi ya dibuundu, kaka na ntwala ya Enlevement.

<sup>108</sup> Wapi mutindu muntu lenda tuba ti Dibuundu ke luta na kati na Lukwamusu, mu zaba ve. Kasi samu na yinki Yawu ke luta na Lukwamusu, na ntangu Yawu ke—ke na disumu mosi ve? Mu zola tuba . . . Mu zola tuba dibuundu ve; dibuundu ke luta na Lukwamusu. Kasi mu ke tubila Kento ya makwela. Kento ya makwela, ve, Ya ke na disumu ve samu na Yandi, ata fyoti ve. Ba me sukula Yawu, mpe ya kele ve ata . . . Ya kele ve ata nsunga ya yawu, mpe kima mosi ve me bikana. Ba kele ya kulunga, na ntwala ya Nzambi. Na yina samu na yinki ba ke luta na Lukwamusu mosi samu na kuvedisa bawu? Kasi bayankaka ya ke sala yawu. Dibuundu ke luta na Lukwamusu, kasi Kento ya makwela ve.

<sup>109</sup> Ntangu yayi, ntangu yayi beto me mona yawu na mutindu nyonso ya bidimbu ntangu yayi. Mutindu dibuundu, Noé, kifwani ya bayina ba me zangula, ntangu yandi basikaka yandi kubwaka na disumu. Beno me mona, ntangu yayi, ba me zabuka. Kasi, Enoch kwendaka ya ntete, ya vwandaka kifwanisu ya basantu yina ke kwenda, mpe na ntwala ya ntangu ya Lukwamusu.

Ntangu yayi beto me mona, Mwana-dimeme yayi me zibula Kidimbu.

<sup>110</sup> Ntangu yayi, Kivangu ya ntete beto ke mona, kana beno tala, Kivangu ya ntete beto ke mona, vwandaka . . . Kivangu ya ntete vwandaka nkosi, Kivangu ya moyo; beto monaka yawu na buku ya kuka- . . . ya bansungi ya dibuundu. Mpe na yina Kivangu ya zole, mu ke kwikila, vwandaka na kizizi ya ngombe, to mwana ya ngombe. Mpe Kivangu ya tatu vwandaka na kizizi ya muntu. Kasi Kivangu ya yiya vwandaka na kizizi ya ngononi. Ntangu yayi yina kele kieleka mutindu beto me kuzwa yawu, kieleka na ndandani yina. Mpe ya kieleka ba me tula yawu mutindu yina na Buku awa.

<sup>111</sup> Mpe na yina mutindu mulongisi mosi ya nene, kilumbu mosi na Floride, vwandaka longi, na kutubaka ti—ti . . . ti, “Buku ya

Actes vwandaka kaka muludi samu na—samu na Dibuundu. Ti ba monaka Dibuundu na Bansangu ya mbote yiya.”

112 Mpe beto ke mona, mosi na yankaka, ti Buku ya Actes kele mikengi ya Nsangu ya mbote yiya. Ya kele na Bansangu ya mbote yiya yina Buku ya Actes kele ya kusunika, bisalu ya Mpeve-Santu na kati ya bantumwa. Mpe beto ke mona, kuna na Buku, ti mikengi ya bawu vwandaka ya kuvwanda kuna ke tala; esete, node, wesete mpe sude. Beno bambuka moyo mutindu beto lakisaka yawu awa? Mpe wapi mutindu kitoko mpe ya kulunga nyonso vwandaka!

113 Ntangu yayi mu zola beno kutala. Yandi tubaka, “Kwiza mpe tala.” Jean . . . Ntangu yayi mu zola beno kutala dyaka, na ntuala ya yayi. Ntangu yayi, yayi awa kele ya nsuka luta ya minati-mpunda, yina ke lakisa mutindu ke salaka mbeni ya Klisto.

Mbasi na nkokila, beto ke zonzila mioyo na nsi ya autel.

Kilumbu yina ke landa na nkokila, balufundusu.

114 Na nkokila yina ke landa, kukwenda, ya—ya nsuka ya nsungi, ya nsuka ya ntangu, ya bima nionso, beno me mona, ntangu ba me zangula Yandi. Na yina, kaka na kati ya Kidimbu ya Sambwadi yina kuna, Bambungu me tiamuka, mpe bima yankaka nionso me tiamuka. Yina yawu kele, mu zaba ve.

115 Beno tala. Kasi ntangu yayi, samu na yayi awa, beto ke mona ti muntu yayi awa kele ngononi, muntu yayi yina . . . to Kivangu yayi ya moyo yina me tiamuka awa ntangu yayi. To, na mutindu yankaka, ya kele na bansungi yiya ya luswaswanu ya Yawu. Ya vwandaka na nsungi ya nkosi. Mpe, beto me mona, yayi vwandaka nsungi ya yiya.

116 Mpe yandi tubaka, “Kwisa mpe tala mansweki ya yiya ya Buku ya Mpulusu, yina me bumbama na Buku yayi. Kwisa, tala.” Mpe Jean kwendaka tala, mpe yandi monaka mpunda mosi ya kunzuluka. Mpe, diaka, munati-mpunda mosi yina na zulu ya mpunda yayi ya kunzuluka.

117 Ntangu yayi ba ke bokilaka yandi Lufwa. Ntangu yayi beno tala. Ata munati-mpunda yankaka ve, to ata mosi ve ya bampunda yankaka, to na ntangu mosi ve munati-mpunda yandi basikaka, ba vwandaka ve; muntu yina vwandaka na nkumbu ve. Kasi ntangu yayi ba me bokila yandi Lufwa. Ba me zonzila yawu ve. Beno me mona? Yandi me monisama ntangu yayi. Ti yandi kele lufwa.

118 Mbote, na yina beto lendaka zonzila yawu na dilongi ya muvimba, mpe kusiamisa yawu pwelele! Kasi nionso yina kele mbeni, yina me telemina kieleka, fwana vwanda lufwa. Samu ti, ya kele kaka na malongi zole, yina kele, Luzingu mpe lufwa. Mpe yina ke lakisa ti luzayikisu ya Mpeve-Santu ya yayi, na kilumbu yayi, kele kaka Kieleka. Mbeni, yandi kele lufwa. Samu, Ndinga,

mutindu beto ke mona yawu na ntwala awa, kele Luzingu. Beno me mona?

119 Mpe muntu yayi ba ke bokila yandi Lufwa. Ntangu yayi, ba me zonzila yawu ve na bantangu yankaka, samu na munati-mpunda yayi. Kasi, kubanda ntangu yayi, ntangu yayi ba me zonzila yawu, ti ba me bokila yandi Lufwa.

120 Kasi na nsi ya luzayikisu ya nkosi. . . Ntangu yayi beno tala mbote. Ntangu yayi mu zola kutanga yawu na bukebi, na yina mu ke vwanda kieleka; mu sonikaka kisika ya yawu, mu sonikaka kisika ya kele awa. Na nsi, ve na nsi ya luzayikisu ya nsungi ya nkosi, to ya nsungi ya ntete, nsungi ya mbandukulu, Yayi vwandaka me monisama ve. Nsungi yina landaka vwandaka nsungi ya ngombe, yina vwandaka nsungi ya mudidi, nsungi ya kati-kati, yawu monisamaka pwelele ve mutindu Yawu vwandaka. To Kivangu mutindu muntu, ya ndwenga, yina vwandaka talisa ba-reformateur, Luther na Wesley mpe nionso yina, Yawu monisamaka ve. Kasi na nsungi ya ngononi, nsungi ya nsuka, nsungi ya profesu, yina ke mona nkwezulu ya ndinga ya profesu, beno me mona, na yina mansweki ke kwisaka ntangu nionso! Ntangu yayi kele kisika beto ke kaka. . .

121 Beto ke telama fioti na zulu ya yawu, na nkokila yayi, na yina beno ke bakula yawu mbote-mbote. Ntangu yayi, na bambala mingi, beno ke bakula, bayayi. . . Mu ke na kuzonzaka ve na nkonga yayi awa. Ba-bande yayi ke kwenda bisika nionso, beno me mona, mpe mu fwana tuba yawu pwelele. Samu ti, muntu mosi ke baka kaka bande mosi, mpe na yina, kana yandi kubaka ve yina yankaka, yandi nyonso ke vwalangana, beno me mona. Nzambi me silaka Yayi, beno me mona, samu na kilumbu yayi, samu na kilumbu ya nsuka, samu na kusukisa bima yayi nionso beto kuzwaka mpe muvusu yayi nionso. Beto kele. . .

122 Beto kuzwaka bilele ya Elie. Beto kuzwaka bamvwela ya Elie. Oh, ya vwandaka na bantu yina. . . John Alexander Dowie ba zikaka yandi kuna, ba vingaka yandi na kati ya mvwela. Yandi tubaka ti yandi vwandaka Élisée. Mpe beto vwandaka na mitindu nyonso ya bima mutindu yina. Yinki ya kele, na mutindu nyonso? Ya kele kaka kukatula Kieleka yina ke talisama. Beno me mona? Ba vwandaka na baklisto ya luvunu na ntwala ya nkwezulu ya Yesu. Beno me mona? Ba ke salaka yawu ntangu nionso. Ya kele Satana, ke na kumekula, samu na kuvwalangisa mabanza mpe lukwikilu ya bantu, ntete kima kusalama na malu-malu. Kaka yina.

123 Gamaliel tubaka ve kima mutindu mosi na ba-Juif kilumbu yina? Yandi tubaka, “Ya vwandaka ve na muntu yina telamaka, yina vwandaka tuba ti yandi kele Yayi? Mpe bawu nataka bankama yiya na ntoto ya kuyuma. Bawu kufwaka, mpe nyonso yina.”

124 Yandi tubaka, “Konso divala yina Tata ya Munu ya Mazulu me kuna ve,” Yesu tubaka, “ba ke vusa yawu.”

125 Gamaliel tubaka, “Beno bika bawu swi. Kana bawu, kana ya kele ve ya Nzambi, ya ke kufwa ve yawu mosi? Kasi kana ya kele ya Nzambi, beno ke nwanisa Nzambi.” Bakala yina vwandaka na ndwenga. Yandi vwandaka mulongisi.

126 Ntangu yayi beno tala. Ntangu yayi, samu na kubasisa mansweki nyonso yayi, Nzambi me sila ti ya ke vwanda na Élisée ya kieleka yina ke basika, muntu mosi ya kupakulama na Mpeve yina, mpe ya ke monisama. Yandi silaka yawu na Malachie 4. Mpe mu ke na banoti mpe mikanda yina ke tuba ti ya kele ve mutindu yina, kasi mu ke zola kuzonza na muntu yina. Beno me mona? Na yina, beno lenda manga yawu ve. Théologien nionso ya kieleka, ya mbote zaba ti yina kele Kieleka, ti bawu ke sosa yawu.

127 Kasi beno vwanda kaka mutindu mosi mutindu ya salamaka na Jean, muntu yina tekilaka nkwezulu ya ntete ya Klisto. Kasi, bawu zabaka yandi ve, samu ti ya vwandaka na bima ya nene yina ba pesaka na profesi samu na yandi. Na yina, yandi zolaka “kulumusa bisika nionso ya kumata, mpe bisika nionsio ya kukulumuka ya kumata, bisika nionso ya mabulu lepele.” Mpe, oh, yandi. . . Baprofete: Ésaïe, bankama sambwadi na kumi na zole ya bamvula ntete mbutukulu ya yandi; mpe Malachie, bamvula bankama yiya na ntwala yandi kota na kisalul; bawu nionso yina pesaka profesi samu na yandi. Mpe ba vwandaka vingila ti kikaku mosi ke kulumuka na Mazulu, mpe profete yayi kwisaka kuna na nkawa ya yandi na diboko ya yandi, na ntwala ya Nzambi.

128 Mpe yinki salamaka? Muntu yina beno. . . lendaka ve kotalisa kalati ya mambele. Yandi lendaka ve kotalisa kalati ya muswa. Yandi vwandaka kuna na ntoto ya kuyuma; yandi vwandaka ata na malongi ya bana ve. Ba me tuba na beto, na nzila ya bantu ya masolo, ti yandi kwendaka na ntoto ya kuyuma ntangu yandi vwandaka na bamvula yivwa, na manima ya lufwa ya tata ya yandi mpe mama ya yandi. Mpe yandi telamaka. . . Kisalu ya Yandi vwandaka ya kulutula mfunu, samu yandi kwenda lutisa ntangu ya yandi na seminere. Yandi zolaka—yandi zolaka samuna Mesiya.

129 Nzambi lendaka ve kusadila muntu yina kele ya kifuluka na théologie. Yandi lenda sala yawu ve, samu yandi ke vutuka kaka na manima. Yawu yina yandi me longukaka. Yandi ke vutuka na yawu. Na yawu, yandi ke mona kima mosi, yandi ke meka na kuvutuka diaka na yina milongisi tubaka. Ya ke vwanda kulutula mbote kana beno ke vwanda ntama na bima yina, mpe beno kwikila kaka na Nzambi.

130 Mpe beto ke mona ti bawu kondwaka yandi. Ata mpe bantumwa yina vwandaka kuna, kondwaka yandi. Na yina,

bawu tubaka, “Samu na yinki Masonuku ke tuba, bansoniki, me tuba ti Elie. . .”

131 Yandi tubaka, “Mbote, yandi me kwisa dezia, mpe beno me zaba yandi ve.”

132 Mpe ya ke kisika yina mu ke tuba ti mvumbukulu ke vwanda mutindu yina, to Enlevement. Ya ke kwenda, mpe ba ke. . . Mu zaba ti ya ke yitukisa. Kasi mu banza ti beno ke zaba mwa mingi dyaka na manima ya nkokila yayi, kana Mfumu zola, kaka mutindu yina ya ke vwanda, beno me mona. Ya ke vwanda kinsweki, muntu mosi ve ke zaba yawu, na mutindu nionso. Yinza ke banza kaka, ke landila kaka mutindu ya ke salaka, beno me mona, mpe kaka. . . Ya kele mutindu yina Yandi ke salaka yawu ntangu nyonso.

133 Beno zaba, mu ke na maketi-keki kana mosi—mosi. . . Mu ke tuba, mosi ya makumi yivwa na zulu ya nkama ya bantu na zulu ya ntoto, zabaka ti Yesu Klisto vwandaka awa ntangu Yandi vwandaka awa. Beno zaba, ntangu Elie pesaka profesu, mu ke tula ntembe ti ya vwandaka na muntu mosi yina zabaka ti yandi vwandaka. . . Bawu zabaka ti ya vwandaka na muntu mosi ya ntama kuna, mwa fanatike, kasi bawu yinaka yandi. Kieleka. Yandi vwandaka yina ba ke bokilaka muntu ya ngitukulu.

134 Mpe mu ke banza ti, Muklisto nionso yina me butuka mbala ya zole kele mutindu ya muntu ya ngitukulu, samu na—na yinza, samu beno me soba. Beno kele ya yinza yankaka. Mpeve ya beno me katuka na simu yina ya dibulu ya nene. Mpe kima yayi awa kele muvusu ya nene kima ya mutindu yayi, beno—beno kele ve ya kuswaswana, kima mosi ke tambula mbote ve; beno, beno kele diaka ya kukangama mingi na ntoto. Beno fwana vwanda na dibanza ya Mazulu. Mpe Mazulu ke zingaka na nzila ya Ndinga.

135 Ntangu yayi, beto ke mona ti kima yayi—yayi ya nene salamaka. Ntangu yayi, beto ke kwikila ti ya ke vwanda na nkwezulu ya Mpeve ya kieleka ya Elisée. Ba zabisaka yawu na ntwala ti ya ke vwanda, beno me mona. Mpe beto fwana bambuka moyo ti ya ke vwanda awa, na nsungi ya yawu mosi mpe ntangu. Beto lenda vwanda na lufulu samu na yawu ntangu yayi. Mpe ya kele ve. . . ya ke vwanda organisation ve.

136 Mu—mu ke wisana ve na bankundi ya munu ya mbote, samu na yina. Yandi ke tuba ti ya ke vwanda kimvuka ya bantu. Mu zola beno kulakisa munu yawu na nzila ya Masonuku. Nzambi, Nzambi yina ke sobaka ve, ke sobaka ata fioti ve manaka ya Yandi. Kana Yandi sala yawu, na yina Yandi kele Nzambi ve; ya kieleka, samu Yandi kele muntu yina ke kufwa, mpe Yandi zaba kaka mutindu munu, mpe Yandi ke salaka bifu.

137 Nzambi me sobaka ata fioti ve manaka ya Yandi, kubanda ntangu yina na disamba ya Eden. Yandi salaka manaka samu na mpulusu; yina vwandaka Menga. Mpe beto me meka lukolo. Beto me meka kuyala na nkú. Beto me meka psychologie. Beto

me meka malongi ya denomination. Beto me meka nionso, samu na kuvukisa bantu nionso kintwadi, to samu bantu nionso kuzolana, mpe nionso yankaka. Ya kele ve na kisika yankaka ya kubundana kasi na nsi ya Menga, dyaka, ntoto kaka yina Nzambi ke kutanaka na muntu.

138 Nzambi ke salaka ntangu nionso na muntu mosi. Bantu zole kele na mabanza zole. Ya vwandaka ve na bapofete zole ya nene na zulu ya ntoto, yina vwandaka pesa profesi na ntangu mosi. Beno tala na manima mpe beno tala kana ya vwandaka. Ve, tata. Ya ke nata movusu mingi! Yandi fwana kuzwa muntu mosi yina ke kukipesa ya muvimba, mpe Yandi ke sadila muntu yina. Yandi ke sosaka muntu yina.

139 Kasi ya ke vwanda na mosi, kilumbu mosi, muntu yina ke kuwa Yandi, Ndinga na Ndinga. Mu ke kipe ve yina muntu yankaka ke tuba, ba ke katuka ata mbala mosi ve na Yawu. Ya kele kieleka. Ba ke vingila na MUTINDU ME TUBA MFUMU. Mpe, na yina, ba ke ningana ve kuna. Yandi ke vwanda kieleka ya kusiamisama. Beno ke . . .

140 Ntangu yayi, yinza ya ngaanda ke yinaka yawu, kasi Nkuna yina me soolama, Nkuna yina ba soolaka na ntwala, mutindu ya vwandaka na bilumbu ya Yesu, na ntangu Nsemo yina ke pela, Nkuna yina ke kwisa na Luzingu mutindu *yayi*. [Mpangi Branham me fina misapi ya yandi—Mu.] Ba ke zaba Yawu. Ba ke bakula Yawu. Beno ke tuba ndinga mosi ve samu na Yawu.

141 Yandi tubaka, “Tata, mu ke mona ti Nge kele Profete. Mu zaba ti ntangu Mesiya ke kwisa, Yandi fwana vwanda . . .”

Yandi tubaka, “Mu kele Yandi yina.”

142 Oh, yayi, me lunga samu na yandi. Yandi zolaka vingila mpimpa ya muvimba, mpe kuingila mpimpa ya muvimba yina landaka. Yandi vwandaka na Yawu na ntangu yina. Yandi vwandaka na nzila ya yandi. Yandi vwandaka tuba na bawu samu na Yawu.

143 Ntangu yayi beno bambuka moyo, ntangu yayi, na nsungi ya ntete vwandaka nkosi. Yina vwandaka Nkosi ya dikanda ya Juda, Klisto. Kubendama ya Luzingu ya Yandi Mosi, vwandaka yala na nsungi yina. Yina ke *Kivangu* ya ntete, yina zola tuba “Ngolo,” yina pesaka mvutu na nzila ya ndinga ya muntu.

144 Nsungi yina landaka vwandaka nsungi ya ngombe, to nsungi ya munati-mpunda ya ndombe. Beno me mona?

145 Ntangu yayi, kikuma nsungi yayi ya ntete vwandaka nsungi ya mpembe, ya vwandaka ti . . . Mutindu—mutindu mu ke kuwaka ntangu nionso bantu kutuba ti munati mpunda ya ntete, ya mpembe, vwandaka ngolo ya dibuundu, yina basikaka samu na kununga. Mpe beto monaka ti ba pesaka yandi yimpu ya kimfumu, ti yawu vwandaka mutindu yina. Yawu vwandaka dibuundu. Ya vwandaka dibuundu, kasi wapi kisika yandi

kwendaka? Yandi kwendaka na Rome. Ya kele kisika yina yandi kwendaka. Yandi kuzwaka yimpu ya yandi ya kimfumu.

146 Ntangu yayi, nsungi ya zole vwandaka mpunda ya mbwaki, yina vwandaka nsungi ya mudidi.

147 Mpe ntangu yayi—ntangu yayi, nsungi yina landaka, vwandaka muntu, ya nsungi yina vwandaka munati-mpunda ya ndombe. Mpe yandi vwandaka nsungi ya ba-reformateur, beno me mona, ntangu Ndinga yina tubaka. Ntangu yayi, munati-mpunda ya ndombe, yina vwandaka mbeni ya Klisto. Kasi Yandi yina vwandaka tuba na nsungi yina vwandaka talisa muntu, mpe yina kele ndwenga, mayele, mayele ya yimbi. Beno me mona? Mpe bawu monaka yawu ve, beno me mona. Bawu bokilaka ve. . . Bawu pesaka yandi nkumbu ve. Beno me mona? Bawu tubaka ti yawu basikaka.

148 Kasi ntangu yayi, ntangu basikaka nsungi ya ngononi, ya kele yina. . . Nzambi ntangu nyonso ke fwanikisaka baprofete ya Yandi na bangononi. Yandi ke kukibokilaka Yandi mosi ngononi. Ngononi ke kwendaka mingi na zulu, ya kele ve na kima yankaka yina lenda simba yandi. Yandi kele kaka ve na zulu kuna, kasi yandi me salamaka samu na kisika yina. Ntangu yandi ke mata kuna, yandi lenda mona kisika yina yandi kele. Bantu yankaka ke mata kuna mpe ke mona ve kisika bawu kele, na yina ya ke sala mbote ve na kumata kuna. Kasi kana beno. . .

149 Kasi beno bika ngoyi-ngoyi kumeka na kupumbuka na ngononi, to faucon, to mosi, yandi ke pasuka na bitini-bitini. Yandi vwanda kebama mbote na mupepe samu na sika yandi ke kwenda.

150 Yawu yina kele diambu bubu yayi, mingi ya beto kele ve ya kukebama mbote na mupepe. Beto ke panzana na nswalu nionso, beno me mona, ntangu beto ke dumuka. Mpe, kasi, beto fwana kebama mbote na mupepe.

151 Ntangu beno ke mata kuna, mpe beno fwana na talulu mosi ya ngolo ya ngononi, samu na kumona yina ke na kwisa, mpe kuzaba yinki kusala. Ntangu yayi, nsungi ya ngononi ke monisa Yawu. Ntangu yayi beto ke mona, ti ba silaka nsungi ya ngononi na Apocalypse 10:7 mpe na Malachie. . . :1, 4. Ya ke vwanda na bilumbu ya nsuka, beno me mona, ya kieleka, ti ya ke vwanda awa. Mbote mingi. Beno tala.

152 Ntangu yayi, muntu yayi, beto ke mona ti yandi ke vwanda na zulu ya mpunda ya kunzuluka. Ya kunzuluka! Oh, la la! Na manima, beno tala na manima. . .

153 “Ba-million makumi sambanu na nana ya ba-Protestant,” mutindu beto me baka yawu na—na *La Glorieuse Reforme* ya Schmucker, ya—ya ntangu ya mhangi ya Rome, mazono na nkokila. Beto ke mona ti, kuna tii na bamvula 1500, mu ke mona ti ya vwandaka, to kumi na nana-. . . Mu ke bambuka moyo ve kieleka na ntangu yayi. Kasi ya vwandaka na makumi

sambanu na nana yina ba tulaka na lufwa, samu na kunwanisa dibuundu ya ntete ya Rome, Rome. Kukondwa ntembe, yandi lendaka talisama yandi mosi na nkumbu ya . . . mpe ba bokilaka yandi Lufwa. Ya kieleka yandi vwandaka mutindu yina.

<sup>154</sup> Ntangu yayi, Nzambi me zaba kaka bantu yikwa yandi ke na kufwa na kimpeve, na nzila ya malongi ya yandi yina ke telemina Biblia, yina ke telemina Ndinga! Yayi kele bayina kele ba-million makumi sambanu na nana yina kufwaka na mbele, mpe bayina yandi kufwaka. Mpe mu banza, kieleka, ba-milliard kufwaka na kimpeve, samu na malongi ya yandi ya luvunu. Kuyituka ve ti yandi lendaka baka nkumbu ya Lufwa!

<sup>155</sup> Beno me mona munati-mpunda yango? Kisika ya ntete, mutindu mbeni ya Klisto, yandi vwandaka lufwa, na kubanda; kasi yandi zabaka diambu ve na ntangu yina. Na manima yandi kuzwaka yimpu ya kimfumu, bayimpu tatu; mpe na ntangu yina, yandi me vukisa, Satana me vukisa dibuundu ya yandi mpe leta, samu ti yandi vwandaka na zulu ya bawu zole na ntangu yina. Mbeni ya Klisto vwandaka Satana, na mutindu ya muntu.

<sup>156</sup> Mpe kuna, dyaka, Santu Matthieu, mu banza ti ya kele, kapu ya 4, ke tuba na beto yina—yina. Satana nataka Yesu, Mfumu ya beto, na zulu, mpe talisaka Yandi bimfumu ya yinza, nionso, na mwa ntangu fioti, mpe nkembo ya bawu, pesaka bawu na Yandi. Mpe yandi tubaka . . . Bawu, bawu vwandaka ya yandi.

<sup>157</sup> Na yawu, beno me mona, kuna, kana yandi lenda kuvukisa leta ya yandi mpe dibuundu ya yandi kintwadi, na manima munati-mpunda ya mbwaki lendaka basika, ya kieleka. Beno me mona? Ya kieleka! Ntangu yayi, na yina, beto me mona mansweki ya yandi awa, na dibuundu ya yandi mpe leta.

<sup>158</sup> Etape ya yiya ya ministere ya yandi, ba me bokila yandi kibulu. Ntete ba me bokila yandi mbeni ya Klisto, beno me mona; na manima ba me bokila yandi profete ya luvunu; mpe na manima ba me bokila yandi kibulu. Ntangu yayi beto ke mona yandi awa ba me bokila yandi mutindu kibulu. Ntangu yayi, mu zola ti beno tala, ya kele na manima ya mpunda ya yiya.

<sup>159</sup> Mpe na mpunda ya yiya yayi, kana beno tala, nyonso . . . Yina ya ntete vwandaka ya mpembe; mpe na manima yina landaka vwandaka ya mbwaki; mpe yina landaka vwandaka ya ndombe; mpe ya yiya, tatu yayi nionso yankaka talisamaka na kati ya yawu; samu ti, kunzuluka kele mbwaki mpe—mpe mpembe, mpe nionso yina, ya kuvukana kisika mosi. Beno me mona? Yandi . . . Ya—ya vwandaka nionso ya kuvukana na kati ya mpunda yayi. Beno me mona? Mpe kuna yandi kumaka yiya, to, kieleka, tatu na kati ya mosi. Mpe yawu nyonso vwandaka ya kuvukana na kima mosi yina.

<sup>160</sup> Ntangu yayi mu zola ti beno bakula yiya ya bawu. Beno tala mutindu yiya, ke sungama ve, na bantalu ya kimpeve. Nzambi kele na tatu. Yayi kele na kati ya yiya. Yandi kele na kati ya



yiya, awa. Ya ntete, mbeni ya Klisto, mpembe; ya zole, profete ya luvunu, mbwaki; ya tatu, muyingi ya mazulu mpe ntoto mpe—mpe na kombelo, ndombe; ya yiya, kibulu, mpunda ya kunzuluka, Satana ba me basisa na Zulu. Beno zola kutanga yawu? Apocalypse 12:13, Satana ba me basisa na Zulu. Na yina na Apocalypse 13:1, 8, yandi kele muntu na kati ya muntu ya kibulu.

<sup>161</sup> Yandi kele ntete mbeni ya Klisto, kaka—kaka malongi ya ba-Nicolaïte; na manima yandi me kuma, na yina, na profete ya luvunu. Kana yandi kele mbeni ya Klisto, mbeni ya Klisto kele yina ke *teleminka*. Konso kima yina ke telemina Ndinga ya Nzambi, samu Ndinga kele Nzambi. “Na mbandukulu vwandaka Ndinga, mpe Ndinga vwandaka na Nzambi, mpe Ndinga kumaka muntu, Klisto, mpe zingaka na kati ya beto.” Mpe ntangu yayi yandi ke telemina Ndinga, na yina yandi ke mbeni ya Klisto. Kasi ba lendaka ve kulwatisa mpeve yimpu ya kimfumu; ya kele samu na yina yandi kuzwaka ve yimpu ya kimfumu. Kaka munani, kukondwa matolo-tolo.

<sup>162</sup> Mpe na yina ntangu yandi kwisaka, ntangu ya yimpu ya kimfumu, kuna yandi kumaka profete ya luvunu ya malongi ya mbeni ya Klisto ya yandi. Beno me bakula yawu? Na yina yandi ke kuzwa mbele, samu na kuvukisa kintwadi bangolo ya yandi, na yina yandi fwana yufula muntu mosi ve. Yandi kele muyadi ya leta; yandi kele muyadi ya Mazulu. Yandi me kuzwa bayimpu tatu. Yandi mosi me baka dibanza ti ba bokila yandi “kombelo.” Kisika yina, kana—kana bantu ya kufwa yina kele kuna, mpe muntu mosi kele na mbongo, yandi zola basisa yawu, yandi lendaka sambila ti bawu basika kuna. Samu, yandi ke na ngolo ya kusala mutindu yina; yandi kele *kilandi*. Kieleka, yandi kele. “Yandi ke bakaka kisika ya Nzambi, na zulu ya ntoto.” Kana ya kele ve pwelele kuna!

<sup>163</sup> Beto me mona yawu, beto me talisa yawu, na nzila ya Biblia, mpe beto me tanga bantalu ya yandi mpe nionso yina. Awa yandi kele. . . ? . . . kaka awa na ntalu ya yiya, ve ntalu ya tatu. Ntalu ya yiya, beno me mona.

<sup>164</sup> Ntangu yayi beto baka, Apocalypse 12. Beto tanga kaka yayi mwa fyoti, samu ti beto—beto ke kuzwa ntangu ya kusala yawu. Mpe beto tanga Apocalypse kapu ya 12 mpe nzila ya 13. “Mpe na ngunga yina ya vwandaka na kuningana ya ntoto ya nene. . . ” Ve, mu me baka—mu me baka kisika ya mbote ve. Nzila ya 13:

*Mpe ntangu dalango monaka ti ba losaka yandi na ntoto, yandi talisaka mpasi kento yina butaka mwana ya bakala.*

<sup>165</sup> Ntangu yayi, beno me mona, ba losaka yandi, na ntoto, mpe me kuma nsuni, mutindu mpeve ya mbeni ya Klisto ke kuma nsuni na kati ya muntu. Muntu yina ke soba na kima mosi na

yankaka, kubanda na mpeve ya mbeni ya Klisto na profete ya luvunu, mpe na manima kibulu ke kota na kati ya yandi.

<sup>166</sup> Kaka mutindu Dibuundu ke na kwenda na ntuala; dibuundu ya yandi me kwenda kubanda na—na mbeni ya Klisto na profete ya luvunu, mpe, na nsungi ya nene yina ke kwisa, kibulu yina ke telema. Na yawu, Dibuundu ke kwiza mutindu mosi, na nzila ya kunungisama, kusantisama, mpe mbotika ya Mpeve-Santu, kele Klisto na kuvwandaka na kati ya bantu, yina kele kaka kieleka. Mpe yandi kele na kivudi ya Yawu kuna, . . . beno me mona, kifwani ya Yawu, mu zola tuba. Yandi yina, ya kieleka. Yandi yina. Ba me basisa yandi na Zulu.

<sup>167</sup> Ntangu yayi beto ke mona, na Apocalypse 13:1 tii na 8.

*Mpe mu telemaka na zulu ya bazelo ya mubu, mpe mu monaka kibulu mosi me mata . . .*

<sup>168</sup> Ntangu yayi, awa na 12, kisika ba losaka yandi. Ntangu yayi beno tala mbote.

*. . . monaka kibulu me mata na mubu, yandi vwandaka na bayintu sambwadi mpe bibongo kumi, mpe na zulu ya bibongo ya yandi bayimpu kumi, mpe na zulu ya yintu ya yandi nkumbu ya luvwenzo.*

*Mpe kibulu yina mu monaka vwandaka mutindu yingo, mpe makulu ya yandi . . .*

<sup>169</sup> Oh, kana beto vwandaka kaka na ntangu na ntangu yayi, beto zolaka baka nkokila ya muvimba, na zulu ya bidimbu yina kele kuna, mpe ke lakisa, ti ya ke tubila dyaka yandi. Muntu nionso, mingi ya beno me zaba yawu, kubanda na malongi yankaka.

*. . . vwandaka . . . makulu ya ulusu, mpe yinwa ya yandi . . . yinwa ya nkosi: mpe dalango pesaka yandi ngolo ya yandi, . . . kiti, mpe . . . lutumu.*

<sup>170</sup> Huh! Satana na kati ya muntu! Beno me mona?

*Mpe mu monaka mosi ya bayintu ya yandi mutindu yina . . . lwalaka samu na lufwa; . . .*

<sup>171</sup> Mpe ya ke landila mutindu yina, tii na nsuka, kana beno zola, ntangu beno ke kuzwa siansi ya kutanga. Ve, beto—beto tanga fioti.

*Mpe mu monaka mosi ya bayintu ya yandi mutindu ya lwalaka . . . lufwa; mpe mputa ya yandi ya lufwa belukaka: mpe yinza ya muvimba vwandaka yituka na manima ya kibulu.*

<sup>172</sup> Beno tala mbote! Beno sala keba ata fioti samu na communisme. Ya ke kima yankaka ve kasi kisadilu, na maboko ya Nzambi, samu na kusadisa beno kilumbu mosi, “samu na kuvutula mbela samu na menga,” mutindu beto ke mona yawu mbasi na nkokila. Beno me mona?

*Mpe ba vwandaka sambila dalango . . .*

173 Nani vwandaka dalango yango? Satana. Ya kele kieleka? “Dalango ya mbwaki.” Mbote mingi.

*. . . yina pesaka ngolo na kibulu (wapi sika yandi me kuzwa ngolo ya yandi, beno me mona): mpe ba vwandaka sambila kibulu, na kutubaka, Nani kele mutindu kibulu? nani kele na kiyeka ya kunwana mvita na yandi?*

*Mpe ba pesaka yandi yinwa ya nene samu na kutuba mambu ya nene ya luvwenzo; mpe ba pesaka yandi ngolo ya kusala kisalu bangonda makumi yiya na zole.*

*Mpe yandi zibulaka yinwa ya yandi samu na kuvweza Nzambi, (Beno bawu yayi, beno me mona. Mbote mingi.) . . . samu na kufwanikisa nkumbu ya yandi, (pesa yandi kisalu) . . . tabernacle ya yandi (yina kele kisika Mpeve-Santu ke zingaka), . . .*

174 Samu na kusala yawu kisika mosi na Rome, Mbanza ya Vatican. Beno lenda landila kaka mutindu yina:

*. . . mpe bayina ke zingaka na mazulu.*

175 Yandi vwezaka bawu, na kutubaka ti ba vwandaka misambidi.

*Mpe ba pesaka yandi samu na kunwanisa basantu (mpe yandi salaka yawu), mpe samu na kununga bawu (yandi salaka yawu): . . .*

176 Bawu vwandaka yoka bawu na diziku! Bawu pesaka bawu madia na bankosi! Mpe ba vwandaka kufwa bawu na mutindu nionso!

*. . . mpe ba pesaka yandi ngolo ya kuyala makanda nionso, . . . bandinga, mpe bayinsi.*

177 Ya me kumaka ntete ve mutindu yina na Rome tii ntangu Rome ya mumpani kumaka Rome ya pape, mpe ngolo ya Katolika tiamukaka na yinza, salaka dibuundu ya Katolika ya yinza ya muvimba.

*Mpe bantu yina nionso ke zingaka na zulu ya ntoto ke sambila yandi, bayina bankumbu kele ve ya kusonika na kati ya buku . . .*

178 “Kusimba ve Mafuta ya Munu mpe vinu!” Beno me mona?

*Mpe bantu yina nionso ke zingaka na zulu ya ntoto ke sambila yandi, bayina bankumbu vwandaka ve ya kusonama na buku ya luzingu ya Mwana ya dimeme yina kufwaka na mbandukulu ya yinza.*

*Kana muntu ke na makutu, yandi kuwa.*

*Yandi yina ke nata na kimpika ke kwisa na kimpika:  
yandi yina ke kufwa na mbele fwana kufwa na mbele.  
Yawu yayi mvibudulu mpe . . . lukwikilu ya basantu.*

179 Ntangu yayi, beto monaka yandi, mazono na nkokila, na mbele ya yandi ya nene, samu na kufwa.

180 Beto ke mona ti yandi me kufwa na mbele, diaka, mbele ya Ndinga. Mbele ya Nzambi, ya nsongi, mbele ya meno na balweka zole, ke kufwa yandi, ke losa yandi na ntoto. Beno vingila ti Banzasi Sambwadi yayi kubasisa Bandinga ya Bawu na kimvuka yina kieleka lendaka baka Ndinga ya Nzambi mpe kusadila Yawu kuna, Ya ke panza mpe ke zenga. Mpe ba lenda kanga mazulu. Ba lenda kanga yayi, to kusala yina, nionso yina ba me zola. Nkembo! Yandi ke kufwa na Ndinga yina ke basika na yinwa na Yandi, yawu me lutila meno mbele yina kele na meno balweka zole. Ba lendaka basisa bankama ya ba-milliard ya banzinzi kana bawu me zola. Amen. Nionso yina bawu ke tuba, ke salama, samu Yawu kele Ndinga ya Nzambi yina ke katuka na yinwa ya Nzambi. Yinga. Amen. Nzambi, ntangu nionso, Yawu kele Ndinga ya Yandi, kasi Yandi ke sadilaka ntangu nionso muntu samu na kusala Yawu.

181 Nzambi lendaka bokila banzinzi yayi, kuna na Egypte, kasi Yandi tubaka, “Moise, yina ke kisalu ya nge. Mu ke tuba na nge yinki kusala, mpe nge ke kwenda sala yawu.” Yandi salaka yawu nionso. Beno me mona? Yandi—Yandi lenda sola mwini samu na kubokila bawu, Yandi lendaka nata ngonda na kubokila bawu, to mupepe samu na kubokila bawu. Kasi, Yandi—Yandi tubaka, “Moise.” Yina—yina kele . . . Yandi soolaka muntu. Mbote mingi.

182 Ntangu yayi beto ke mona awa, ti Satana yayi, na manima ya kubasisa yandi na Zulu, yandi me kota na kati ya kibulu. Mpe ntangu yayi yandi kele kibulu; mbeni ya Klisto, profete ya luvunu, mpe ntangu yayi kibulu. Mpe ba me pesa yandi nkumbu ya Lufwa! Mpe Difelo ke landaka yandi! Satana ya muvimba, na kiti ya yandi ya kimfumu! Oh, la la! Na zulu ya ntoto, yandi kele Satana, kitalisi, na zulu ya ntoto, yina yandi kele ntangu yayi mfumu ya bimfumu ya yinza, bimfumu yina kaka yandi pesaka na Mfumu Yesu na Matthieu 4. Satana ntangu yayi me kuma ntinu ya muvimba.

183 Ntangu yayi, yayi ke salama na ntwala. Yandi kele profete ya luvunu ntangu yayi. Yandi ke kuma kibulu, na manima ya mwa ntangu fioti, ntangu yandi ke zenga ngwisani ya yandi kuna na ba-Juif. Beno zaba mutindu beto . . . Mbote mingi, beno tala ntangu yayi, ba ke pesa yandi ntima ya kibulu, na ntangu yina, mpe Satana ke kota na kati ya muntu. Samu ti, ntangu Dibuuundu ke mata, ba ke losa Satana. Beno me mona? Beno me mona? Ya me salama, na yina, ya kele, kufunda ya yandi nionso me mana. Beno me mona? Ntangu yayi, ntangu nionso . . .

184 Beno tala, ntangu nyonso yina Musambidi kele kaka na zulu ya Kiti ya kimfumu, Satana lenda telama kuna mpe kufundisa, samu yandi kele nzonzi na lweka yina yankaka. Yandi kele mbeni ya Klisto. Mpe Klisto kele. . . Yandi me telama kuna, mbeni me telama kuna, na kutubaka, “Kasi, vingila! Adam kubwaka! Adam salaka *yayi*! Mu nungaka yandi. Mu nataka kento ya yandi na kukwikila luvunu. Mpe Nge tubaka ti yandi ke fundisama na yawu. Mu me sala yawu!”

185 Kasi awa kele Muvukisi yina kele ya kutelama kuna, amen, Tata Musumbi, amen, me telama kuna na Menga yina lenda baka ntima ya nsumuki ya kulutila mvindu mpe kusoba yawu. Muvukisi kele na zulu ya Kiti ya kimfumu. Yinga, tata.

Satana tubaka, “Kasi bawu kele ya kubwa!”

Yandi lenda tuba, “Ve.”

186 Ba yidikaka masa ya Javel, to ba salaka yawu, samu na kukatula tasi, kukatula ntinta to tasi nionso yankaka. Ba ke na yawu. Ya ke panza yawu tii kuna beno ke mona yawu diaka ve. Ya ke vutuka gaze, mpe ya ke vutuka na nsemo ya yinza. Mpe ya ke luta ba-molécule mpe nyonso yankaka, tii ya ke vutuka na kisika ya ntete ya katukaka. Ya kele luvangulu. Ya vwandaka. . . Luvangulu, ya zolaka katuka na Mvangi. Kasi ba-produit chimique nionso yina me salama mpe me vukana kintwadi, ba me panzana, mpe ya kele kaka yina me bikana na yawu. Kima mosi me bikana dyaka ve na yawu. Tii na—na ba-element ya masa, mbombi, yina ke vukana na masa ya Javel.

187 Amen! Nkembo na Nzambi! Yawu nionso me kuma bunkete. Ya kele yina Menga ya Yesu Klisto ke salaka na mwana ya kieleka ya Nzambi, ntangu yandi ke funguna disumu yina mpe ke telama kuna, me nungisama na kati ya Yandi. . . Kyadi! Mambote! Mpe ya kele nene mingi tii Nzambi tubaka, “Mu lenda dyaka ve kubambuka moyo na yawu. Mpe yandi kele kieleka mwana ya Munu.”

188 “Ya kieleka, Mu ke tuba na beno, kana beno tuba na mongo yayi ‘katuka awa,’ mpe beno tula ntembe ve na kati ya ntima ya beno, kasi beno kwikila na yina beno me tuba, beno. . . ya ke salama. Beno lenda kuzwa yina beno me tuba ke vwanda.” Beno kele mwana yina me vuluka. Amen! Mu zaba ti ya kele kieleka.

189 Mu me monaka bampadi kubasika kuna, bambala sambanu ya luswaswanu, yina mu me zaba, mpe mu zabaka ve ti ya ke vwanda kuna. Yandi kele kaka mutindu. . . Yandi lenda vanga bampadi mutindu mosi Yandi lenda vanga banzinzi, to makototo, to kima yankaka. Yandi, Yandi kele Nzambi, Mvangi. Kieleka! Mpe na yina muntu ya kufwa lendaka ve. . .

190 Kasi ntangu muntu yina ke kufwa me funguna disumu yina mpe me dindisa yawu na kati ya masa ya Javel yina, ya décolorant ya Yesu Klisto, Ya ke katula disumu nionso. Yandi kele ya kuvedila kukondwa mvindu, kukondwa disumu,

kukondwa foti. “Yandi yina me butuka na Nzambi ke salaka disumu ve, samu yandi lenda sala disumu ve.” Décolorant metelema kati-kati ya yandi na Nzambi. Wapi mutindu ya lendaka kuma kuna, ntangu ya ke panza yawu mpe ke tinda yawu kuna na yina bebisaka yawu! Amen!

<sup>191</sup> Fiou! Mu ke kumitala musambidi. Mu—mu ke tuba na beno, mu ke na luzatu ntangu yayi na yina yayi ke banda na kumonana.

<sup>192</sup> Beno tala, ya muvimba Satana, na kiti ya yandi ya kimfumu. Yinga, tata. Yandi pesaka yawu na Nzambi, pesaka yawu na Mfumu ya beto. Yandi yayi, me vwanda awa, na ntima ya kibulu yayi na kati ya yandi. Ntangu yayi, awa kele muntu, kibulu, diabulu yina me kituka muntu. Yandi ke sala kumonika ya yandi awa na zulu ya ntoto, na mambu ya luvunu. Oh, la la, kyadi! Na nsi ya mambu ya luvunu ya Ndinga ya kieleka, yandi ke vukana yandi mosi na Ndinga.

<sup>193</sup> Yandi salaka kaka kima mutindu mosi yina kifwanisu ya yandi—ya yandi salaka, yina vwandaka Judas, bamvula mafunda zole me luta. Yinki yandi salaka? Judas kwisaka, mutindu mukwikidi, yandi vwandaka diabulu kubanda na mbandukulu. “Yandi butukaka mwana ya kuzimbana.” Yandi bendaka Yesu ata fioti ve na nsaka ya yandi, samu Yandi zabaka yandi kubanda na mbandukulu; amen, samu Yandi vwandaka Ndinga. Mbote mingi. Mpe, beno bambuka moyo, Judas bakaka kisika ya trésorier, mpe yandi kubwaka samu na mbongo.

<sup>194</sup> Mutindu mosi dibuundu ya bubu yayi! Dibuundu ya Katolika, mutindu beto monaka mazono na nkokila, yandi vwandaka teka ba-neuvaine, vwandaka teka bisambu, mpe vwandaka teka nionso. Ya kele kaka mutindu mosi, mpe kima mutindu mosi me salama na bana ya bakento ya dibuundu ya Katolika, mabuundu ya ba-Protestant. Nionso me bumbama na mbongo. Ya kele kisika yina Judas kubwaka, mpe awa kele kisika yandi kubwaka, mpe ya kele kisika yina ba-Protestant me kubwa.

<sup>195</sup> Beno tala mbote, yandi ke mata mpunda ya kunzuluka mutindu yandi ke kwisa na kumonika ya yandi, kumata yayi ya nsuka. Yandi kele na zulu ya kumata ya yandi ya nsuka ntangu yayi. Ntangu yayi, yina ke vwanda ve na kilumbu ya beto. Yina ke vwanda na ntwala. Ya kele Kidimbu, yina ba zabisaka na ntwala. Samu, beno me mona, Dibuundu me zanguka ntangu yayi ke salama. Ntangu Klisto ke monika awa na zulu ya ntoto, mutindu—mutindu—mutindu. . . Muntu yayi ke monika, mpe ke kuma ya muvimba, ya muvimba dyabulu; katuka mbeni ya Klisto, landila, na kulutaka na profete ya luvunu, kuna na kati ya kibulu, dyabulu yandi mosi. Mpe yandi ke mata na zulu ya mpunda ya kunzuluka, ya bantinta nionso, mpe ya bantinta

nionso ya kuvukisa, yina ke pesa yandi ntinta yayi ya kunzuluka mpe ya lufwa.

<sup>196</sup> Kasi ntangu Mfumu ya beto ke monika awa na zulu ya ntoto, Yandi ke vwanda na zulu ya mpunda ya mpembe mutindu mvula-mpembe. Mpe Yandi ke vwanda nionso, ya muvimba, Emmanuel, Ndinga ya Nzambi yina me kituka muntu na kati ya Muntu. Beno me mona? Beno tala mutindu yina kele ya kuswaswana. Beno tala luswaswanu na kati ya bawu.

<sup>197</sup> Beno tala, mbeni ya Klisto kele na zulu ya mpunda ya kunzuluka, bantinta ya kuvukisa. Mpunda kele kibulu yina ke monisa ngolo. Ngolo ya Yandi kele nionso ya kuvukana. Samu na yinki? Ya kele politiki, ya kele—ya kele bangolo ya yinsi, ya kele bangolo ya nsambulu, ya kele bangolo ya bampeve ya yimbi. Ya kele bangolo ya mutindu na mutindu ba me vukisa, ba me vukisa, yina vwandaka mpunda ya kunzuluka. Yandi ke na bangolo ya mutindu na mutindu.

<sup>198</sup> Kasi ntangu Yesu ke kwisa, ya kele na zulu ya mpunda ya ntinta mosi, Ndinga. Amen!

<sup>199</sup> Yayi ke vukisa bantinta ya yandi, ya mbwaki, mpembe, ya ndombe; bantinta tatu na kati ya mosi, vwandaka talisama na kati ya mosi. Mpe bangolo tatu vwandaka monikisa yawu; mpunda ya mpembe, mpunda ya ndombe, mpunda ya mbwaki. Mpe bayimpu tatu ya kimfumu, na kati ya mosi. Beno me mona? Kieleka.

<sup>200</sup> Mu monaka yimpu ya kimfumu, munu mosi; mu telemaka, oh, pene-pene mutindu *yayi* mpe mu talaka yawu. Mu lendaka ve kusimba yawu, samu ya vwandaka na kati ya vitre, na zulu ya yawu. Na yina ya vwandaka kuna, ya kukanga na fungula, na kati ya vitre: bayimpu tatu. na yina mu zaba ti ya kele kieleka. Uh-huh. Na yina yandi vwandaka, na bayimpu tatu, kilandi: mazulu, kombelo, mpe lufwa.

<sup>201</sup> Bangolo tatu ya kuvukana kintwadi, beno me mona, nionso ya kuvukana na ntinta mosi, ya kunzuluka. Nionso yina vwandaka zonzila lufwa; bangolo ya politiki, mpe—mpe bangolo ya nsambulu, mpe—mpe bangolo ya bampeve ya yimbi, ya kuvukana kintwadi. Polititiki, yandi kele ntinu ya politiki, Satana. Mayele mingi! Fiou! Ya kieleka. Beno meka ve na kuvwanda na mayele mingi kulutula yandi. Kaka—kaka beno tula kivuvu na Mfumu. Yimeni.

<sup>202</sup> Mutindu mu me tuba, nyonso yina, na ntwala. Mayela nyonso, malongi ya lukolo mpe bima mutindu yina, me katuka na lweka ya yimbi. Beno landa yawu kaka na nzila ya Masonuku, beno ke mona kana ya kele kieleka. Beno landa bana ya Cain mpe beno tala yinki bawu kumaka. Na yina beno landa bana ya Seth, beno tala yina ba vwandaka. Ya kele ve ti mu ke simbisa kukondwa kulonguka, ata fioti ve. Ve, tata. Kasi beno baka muntu nionso, na mpasi, na kati ya Biblia, ya kele mpasi . . .

203 Mpe ya vwandaka na mosi ya nkumbu ya Paul, yina vwandaka muntu ya mayela mingi, mpe yandi tubaka ti yandi zolaka zimhana nionso yina yandi zabaka, samu na kuzaba Klisto. Yandi tubaka, “Mu me kwisa na beno ata fioti ve na bampova ya luvunu ya ndwenga ya bantu, kasi mu me kwisa na beno na Ngolo ya mvumbukulu ya Klisto.” Ya kieleka, Ngolo ya Mpeve-Santu!

204 Beno tala bayankaka. Bayankaka na kati ya bawu zabaka ve luswaswanu kati-kati ya diboko ya kibakala na ya kikento. Mpe—mpe, oh, beno tala na kati ya nsungi ya baprofete, mpe kisika ba katukaka, mpe nionso yina. Beno me mona yina mu zola tuba?

205 Beno me mona, ya kele mayele mingi, ya kulonguka, mpe ya ndwenga. Ndwenga kele kieleka kima yina ke nata beno ntama na Nzambi.

206 Yandi vwandaka na bangolo tatu, to balufundusu tatu—tatu: ntoto, Mazulu, mpe na kombelo.

207 Yandi kele, yandi mosi, butatu. Ya me salamaka mutindu yina. Mpe yandi ke tambulaka na kati ya butatu. Ngolo ya yandi kele na butatu. Yimpu ya Yandi kele na butatu. Mpunda ya Yandi kele na butatu. Ti yina yandi kele, butatu; ngolo ya butatu, yimpu ya kimfumu ya butatu, mpunda mosi (ya zulu) ya butatu; yina kele na bisalu ya yandi, yiya diaka, beno me mona, yiya diaka. Mbote mingi.

208 Ba etape tatu ya ministere na yandi, ke sala yandi muntu mosi, Satana yina me kituka muntu. Ba-etape tatu ya ntalu ya mini- . . . mbeni ya Klisto, profete ya luvunu, mpe kibulu. Tatu yayi, ke fwanana na yawu, beno me mona. Ntangu yayi kele na bifwanisu tatu, ntangu yayi, yawu yina ke salaka yandi.

209 Nzambi, Nzambi me kukitalisa Yandi mosi, mpe, na maza, Menga, Mpeve; ke sala Muklisto mwana ya Nzambi, na nzila ya Ndinga ya Nzambi. Beno me mona? Mpe bangolo yayi tatu ke salaka yandi diabulu. Beno me mona? Oh, Yayi awa, kele masa, Menga, mpe Mpeve, yina kele ya Nzambi. Mpe yayi kele politiki, nsambu, mpe ngolo ya mpeve ya yimbi, me vukana kintwadi, ke sala yandi dyabulu.

210 Nkwizulu ya ntete ya Klisto, muntu yina ke kufwa. Yandi ke kwisa bambala tatu. Klisto kele na tatu. Beno me mona? (Beni tala mbote mutindu yandi ke kwizaka; yandi kele na yiya.) Beni tala mbote Klisto. Nkwizulu ya Ntete, Yandi kwisaka muntu yina ke kufwa, samu na kubasisa menga mpe kufwa. Ya kieleka? Ya kele nkwizulu ya Yandi ya ntete. Nkwizulu ya zole kele Enlevement; beto ke kutana na Yandi na mazulu, yina ke kufwaka ve. Nkwizulu ya Yandi ya tatu ke kwisa, Yandi kele Nzambi yina me kituka muntu. Amen! Nzambi, Emmanuel, samu na kuyala na zulu ya ntoto! Ya kele kieleka, kaka tatu.



211 Etape ya yiya ya munati-mpunda, beno tala mbote. Etape ya yiya ya munati-mpunda yayi ba me bokila Lufwa. *Lufwa* zola kutuba “kukabwana ya kukonda nsuka na Nzambi.” Yawu yina lufwa zola tuba, kukabwana ya Kukonda nsuka na Nzambi.

212 Ntangu yayi, kana beto me tendula muntu yayi, beno kuwa, kana beto me talisa na nzila ya Biblia, nani kele muntu yina; mpe beto bakaka myongo, kisika mpe bisika nionso, beto me zonzila yawu, mosi na mosi. Mpe ntangu yayi ba ke bokilaka yandi, na ngononi, “Lufwa.” Ya kele yina Yandi ke bokilaka yandi. Beno bambuka moyo, awa, beno me mona, lufwa kele kukabwana ya Kukonda nsuka.

213 Beno bambuka moyo, basantu ke kufwaka ve. Bawu ke lalaka, ba ke kufwaka ve. “Yandi yina ke kuwa Bandinga ya Munu, mpe ke kwikila na Yandi yina fidisaka Munu, kele na Luzingu ya Kukonda nsuka.” Ya kele kieleka. “Yandi ke kwiza ve na lufundusu; yandi me luta lufwa na Luzingu. Mu kele Mvumbukulu mpe Luzingu,” me tuba Yesu. “Yandi yina ke kwikila na Munu, ata ti yandi me kufwa, kasi yandi ke zinga. Mpe muntu nyonso yina ke zinga mpe ke kwikila na Munu ke kufwa ata fioti ve.” Lazare, kufwaka? “Yandi me lala.”

214 “Beno vwanda na boma ve, mwana-kento kele ya kufwa ve, kasi yandi me lala.” Ba sekaka Yandi ngolo. Ya kieleka? Oh, la la! Beno me mona, basantu ke kufwaka ve.

215 Kukabwana na Nzambi kele lufwa, lufwa ya Kukonda nsuka. Mpe muntu yayi ba ke bokila “Lufwa,” na yina beno vwanda ntama na yandi. Yinki yandi kele? Systeme yina ba me bongisa, systeme ya organisation; ya ntete, numero ya ntete, dibuundu, yina salaka organisation, mpe na ntangu yandi bakaka lubakusu ya Constantin, na Concil ya Nicée.

216 Beto bokilaka bawu bakento, mazono na nkokila, mpe beto lakisaka mutindu Eve, kento ya makwela ya ntete, ntete bakala ya yandi kusimba yandi, yandi kubwaka, na kukondwa kukwikila Ndinga ya Nzambi na Eden. Kento ya makwela yina butukaka na Kilumbu ya Pantekote ya Klisto, ntete Yandi kuma na yandi, yinki kusalamaka? Yandi kubwaka, na Rome. Yinki? Yandi tekisaka ngolo ya yandi ya Ndinga, samu na dogme. Amen. Oh, la la!

217 Mu—mu—mu ke kuwa ti luzatu ke kwisa diaka na zulu ya munu, yinga, tata, na kubanzaka ti ya ke. . . Mu zola kusala bulawu ve. Mu zola kutuba yina ve. Kasi mu kaka. . . Beno ke bakula ve yina ya ke sala na munu. Mu vwandaka na yayi kubanda bilumbu yiya. Kaka. . . mpe mu fwana tuba kima mosi, na yina mu lendaka vutuka diaka na ntoto. Beno zaba yina mu zola tuba. Yinga. Mbote mingi. Beno banda na kuzonza mutindu yina, mpe beno ke mona ba-vision ke na kupanzana bisika nionso. Ya kieleka. Beno me mona, ya kele samu na yina

mu ke tubaka kima mosi samu na kuvutuka dyaka, mpe samu na kubasika kuna. Beno me mona?

218 Beno me bakulaka munu ntete ntangu mu ke na ndonga ya kuswasikisa mabanza? Mu ke tuba kima mosi, yina ke sala ti bantu kuseka; na yina mu ke tuba kima mosi, kusala ti bantu kuboka; na yina mu ke tuba kima mosi, ke pesa bawu nganzi. Mu ke na kima mosi mu ke na kutalaka. Mpe mu ke tuba kima mosi, samu na kumona mutindu ya ke salama, kuna mu ke tala wapi mutindu ya nsemo kele na zulu ya bawu, yinki ke na kusalama. Na yina mu zaba kisika ya kele, mpe mu zaba kana Yawu ke bokila to ve. Kana ya kele ve. . . Kana ya kele mukwikidi ya kieleka ya kuvwanda kuna, mbote mingi. Beno ke bokilaka bawu, kuna, beno tuba, “Nge, *Kingandi*.” Beno me mona.

219 Mpe ntangu beno ke kuma kuna, Mpeve ke banda na kupakula, na yina beno ke banda na kumona bansemo yina ke na kusalama bisika nionso, beno me mona, mutindu yina, bisika nionso, bisika nionso na kivinga. Na yina, ya kele samu na yina mu ke tuba kima mosi, samu na mutindu ya kubanda dyaka, kubanda dyaka, beno me mona.

220 Kubanda Lumingu me luta, mu vwandaka na kati ya kivinga mosi, mu vwandaka sambila, kaka mutindu yina, mpe na nsi ya kupakulama. Mpe mu zaba ti Yayi kele kieleka. Kana beno ke kwikila na Nzambi, mu zaba ti beno ke kwikila yawu, beno ke tala kaka na nsuka ya sabala. Uh-huh. Beno me mona? Beno me mona? Mbote mingi. Beno me mona?

221 Ntangu yayi, lufwa zola kutuba kukabwana ya Kukonda nsuka na Nzambi. Mpe beno bambuka moyo, ntangu yayi, basantu ke kufwaka ve.

222 Beno bambuka moyo, ba pesaka kento ya yandi ya makwela, . . . Mu zola tuba, munati-mpunda yayi kuzwaka mpunda ya kunzuluka, samu na ku—kukwenda na ntwala. Ba pesaka na mpunda yayi—yayi ya kuwanguka, samu na kukwenda kuna. Mpe yandi mataka na zulu ya mpunda ya kunzuluka, ya lufwa. Ntangu yayi beto zaba yina ya vwandaka. Beto zaba yina dibuundu yina vwandaka.

223 Mpe beno bambuka moyo, na nkokila yina me luta, yandi vwandaka kaka “kento ya kindumba,” yandi vwandaka “mama ya bakento ya kindumba.”

224 Mpe beto ke mona ti, yina salaka yandi kento ya kindumba, ya vwandaka, kento yina kele mutindu ya kento yina. Mu kele kaka. . . Ya kele ndinga mosi ya kikata, yina ke zonzaka na kati ya nkonga ya bantu. Kasi Biblia ke tuba yawu, beno me mona. Na yawu, kuna, beto ke bakula ti ya kele—ti ya kele kento yina kele ya kukwikama ve na bansilulu ya makwela ya yandi. Mpe beno me mona, yandi fwana vwanda, yandi ke tuba yandi mosi, yandi ke kubokila yandi mosi, “Ntinu ya kento ya Mazulu.” (Yina ke vwanda Kento ya makwela ya Nzambi. Nzambi kele Klisto.)

Mpe beto ke mona ti yandi ke na kusala kindumba, mpe yandi ke na kusala ti bantinu ya ntoto kusala kindumba, mpe bamvwama nyonso, mpe bantu ya nene. Ntoto ya muvimba vwandaka landa yandi. Beno me mona?

<sup>225</sup> Mpe na yina beto ke mona ti yandi me basisa bana ya bakento, mpe bawu vwandaka bakento ya kindumba. Yinki kele kento ya kindumba to kento ya pité, kima mutindu mosi; kento ya kindumba, bindumba, yimbi, bantu ya kindumba, ke na kusalaka yawu. Yinki bawu salaka? Bawu salaka organisation, mpe salaka systeme mosi, bawu longaka ba systeme yina me salama na bantu, ba-Pentecotiste mpe nionso yankaka!

<sup>226</sup> Ntangu yayi, beno bika ve konsiansi ya beno—ya beno na posi ya beno, beno ba-Pentecotiste. Beno bika mu tuba na beno kima mosi. Beto tala kima yango na kizizi. Ntangu me luta mingi ntangu yayi, samu na kulwata ba-gant ya mpembe. Beno tala awa.

<sup>227</sup> Beto ke na kuzinga na Nsungi ya Dibuundu ya Laodicée. Mpe yina vwandaka nsungi ya dibuundu ya kulutila buzoba na kati ya nionso, tiya ve madidi ve, mpe mosi kaka yina Klisto vwandaka na nganda, vwandaka meka na kuvutuka. Mpe ya kele nsangu ya Pentecote yina me basika, ba me tuba, “Mu kele mvwama!” Oh, nge vwandaka mputu, ntete. Ntangu yayi nge me kuma mvwama, beno me mona. “Nge ke na nsatu ya kima mosi ve!” Mpe—mpe, oh, yinki nge vwandaka!

<sup>228</sup> Yandi tubaka, “Nge kele kinkonga, muntu ya mawa, mpofu, mputu, muntu ya mpasi, mpe nge zaba yawu ve.”

<sup>229</sup> Ntangu yayi, kana muntu mosi vwandaka kinkonga, kuna na bala-bala, mpe zabaka yawu, oh, yandi ke meka na kukisadisa yandi mosi. Kasi ntangu yandi—ntangu yandi zaba yawu ve, mpe beno lenda tuba na yandi kima mosi ve, na yina yandi kele na kisika ya yimbi. Nzambi vwanda na kyadi samu na yandi. Kieleka. Beno tala. Oh, la la!

<sup>230</sup> Ntangu yayi, beno bambuka moyo, mbeni ya Klisto yayi, yandi mosi, vwandaka muntu; kento ya yandi ya makwela, yina kele dibuundu ya yandi, “ba pesaka yandi ntangu ya kubalula ntima, mpe yandi salaka yawu ve,” na nsungi ya dibuundu yina, Thyatire. Beno ke bambuka moyo na yawu? Beno lenda . . . ?

<sup>231</sup> Mbote, beto vutuka fioti na manima. Ya ke niongisa beto ve na kuvutuka na manima na mwa ntangu fioti. Beto vutuka, na kapu ya 2, na mwa ntangu fioti. Beto ke tanga yawu, kapu ya 2 ya . . . ntangu yayi, Thyatire. Ntangu yayi beno tala mbote yayi, kaka na nswalu ntangu yayi. Oh, la la, beto me kuma kaka pene ya kusukisa, mpe beto me banda ntete ve. Kasi, beno tala, Thyatire. Ntangu yayi, ya ke banda na nzila ya 18 ya—ya kapu ya 2.

*. . . sonika na wanzio (yina kele munati nsangu) ya dibuundu na Thyatire; bima yayi me tuba Mwana ya*

*Nzambi, yina ke na meso ya yandi mutindu tiya... mpe makulu ya yandi kele mutindu kisengo yina ba me basisa na tiya;*

*Mu zaba bisalu ya nge, mpe zola ya nge, mpe kisalu ya nge, mpe lukwikilu ya nge, . . . mvibudulu ya nge, mpe bisalu; mpe nge fwana vwanda ya kulutila . . . mpe bisalu ya nge ya nsuka ya kulutila ya ntete.*

*Kasi mu kele na mwa bima ke na kutelemina nge, samu ti nge ke ndimaka kento yina Jézabel, . . .*

232 Beno bawu yayi. Beno zaba yandi, na kati ya Biblia. Yandi wandaka kento ya Achab. Mpe awa kele kento yango, dibuundu, Jézabel, kento ya profete ya luvunu, yina ke tuba ti yandi kele profete ya kieleka ya Nzambi, pape; ya kieleka, profete ya kieleka mpe kento ya yandi, Jézabel. Ntangu yayi, Achab zolaka vwanda Juif ya kieleka, kasi yandi wandaka kimpumbulu, beno zaba yawu, samu kento ya yandi twadisaka yandi kaka mutindu yandi zolaka. Beto ke mona ti, Jézabel ke bakaka mbongo ya yandi mpe ke twadisa bawu mutindu yandi me zola, mpe.

*. . . yina ke kukibokila yandi mosi profete ya kento, (beno me bakula yawu?), samu na kulonga mpe. . . kuvuna na ngolo bisadi ya munu (beno me mona, ti malongi ya Jézabel tambulaka kaka yinsi ya muvimba) samu na kusala bindumba mpe. . . kudia bima yina ba pesaka munkayulu na biteki.*

*. . . Mu pesaka yandi ntangu ya kubalula ntima (beno me mona?) ya bindumba ya yandi; mpe yandi balulaka ntima ve.*

233 Beno tala mbote nzila yayi ke landa.

*. . . Mu ke losa yandi na mbeto (ya kele difelo), mpe kufidisa balukwamusu ya nene na bayina ke salaka pité na yandi, . . . (Yina zola tuba ti ba ke kwenda na Balukwamusu ya nene. Dibuundu ve, ntangu yayi.) . . . kaka kana bawu balula ntima na mambu ya bawu ya yimbi.*

234 Ntangu yayi beno tala mbote, awa.

*. . . Mu ke kufwa bana ya yandi (bakento ya yandi ya kindumba) na lufwa (lufwa ya kimpeve); . . .*

235 Beno ke kwikila yawu? Yina kele Ndinga. “Mu ke kufwa bawu na lufwa.” Mpe kana ba me kufwa bawu, ba kele ya kukabwana ya Kukonda nsuka. Mbote mingi. Beno bambuka moyo, Yandi pesaka yandi ntangu ya kubalula ntima.

236 Nsungi ya Thyatire wandaka nsungi ya mudidi. Ya wandaka ntangu ya kutambula ya munati-mpunda ya ndombe, na ntangu ya wandaka lomba kusumba bamisa nionso mpe bima nionso, mpe bisambu, mpe—mpe ba-neuvaine, mpe nionso

yina. Ntangu yayi beno tala mpunda ya yandi ya ndombe, kuna, na manima yandi mangaka na kubalula ntima na Thyatire, (yinki?) yandi sobaka kutambula ya yandi katuka na mpunda ya ndombe na mpunda ya kunzuluka, lufwa, samu na ministere ya yandi ya nsuka.

<sup>237</sup> Ntangu yayi, mu lenda ningisa fioti awa. Kumanga Nzambi, kumanga lubokilu ya Nzambi, beno ke sala yawu mbala ya nsuka. Mpe, kaka mutindu dibuundu yina salaka, ya me suka. Nzambi, na mvibudulu ya Yandi, ke bendana ve ntangu nionso na muntu. Beno me mona?

<sup>238</sup> Mpe ntangu yandi mangaka Yawu, mpe mangaka na kundima Yawu, kuna yandi sobaka mpe kwendaka... Mpe ntangu yayi yandi ke na nkumbu yina ba ke bokila “Lufwa,” kukabwana. Nzambi tubaka, “Mu ke baka bana ya yandi, ba-Protestant, mpe mosi na mosi ya bawu mu ke kufwa na kukabwana ya Kukonda nsuka.” Beno bawu yayi, Nsungi ya Thyatire, nsungi ya mudidi. Mpunda ya yandi ya ndombe ntangu yayi ke baluka na lufwa, samu na ministere ya yandi ya nsuka.

<sup>239</sup> Beno me mona mutindu bansungi ya dibuundu ke wisana na Bidimbu? Ya kele kaka ya kulunga. Mpe beto zaba ti Ya kele kieleka. Mpeve-Santu ke salaka kifu ve. Yandi pesaka beto nsiamisa ya nene, na ntangu ya nsuka, ntangu beto me manisa bansungi yayi ya dibuundu kuna, beno zaba.

<sup>240</sup> Beno me mona zola, mvibudulu ya Nzambi! Ntete Yandi lutisa lusambusu na zulu ya yandi, Yandi pesaka yandi kisika ya kubalula ntima. Mpe ya kele na Nkumbu ya Mfumu mu ke tuba yayi: Yandi me pesa dibuundu ya ba-Protestant kima ya mutindu mosi, mpe yandi ke manga na kubalula ntima. Nsangu me ningana bisika nionso, mpe yandi ke manga na kubalula ntima. Yandi ke kuzwa malongi ya yandi mosi mpe ba-credo, mu ke kipe ve wapi mutindu beno ke tendula Yawu.

<sup>241</sup> Mutindu mu tubaka kuna na Chicago, kilumbu yankaka yina, na ntwala ya milongi mingi kulutila bayina kele ya kuvwanda awa! Mpe kuna ba bokilaka munu samu na kukanga munu, samu na yina me tala Malongi, nkuna ya nioka mpe nionso yankaka yayi. Mu tubaka, “Muntu mosi kubaka Biblia ya yandi, mpe yandi kwisa awa mpe telema pene-pene ya munu.” Mpe muntu mosi ve tubaka kima mosi.

<sup>242</sup> Tommy Hicks tubaka, “Mu—mu me kuwaka Yawu ntete ve, Mpangi Branham. Mu zola ba-bande nkama tatu ya yina. Mu ke tinda yawu na balongi ya munu nionso.”

<sup>243</sup> Ya vwandaka na pene ya makumi tanu, to makumi sambwadi na tanu, yina tubaka, “Mu ke kwisa kuna samu na kubaka diaka mbotika.” Ba me kwisa? Ata mosi ya bawu ve. Samu na yinki? Yandi me pesa bawu ntangu ya kubalula ntima! Mpe Yandi ke nata bana ya beno na lufwa, na lufwa ya kimpeve.

244 Beto ke vutukila yawu mbasi na nkokila, kana Mfumu zola, to Kilumbu ya sambanu na nkokila, na zulu ya Bampasi yina ke tiamuka. Beno tala mbote yina ke salama kuna.

245 Mutindu Yandi pesaka Égypte, Yandi pesaka Égypte ntangu ya kubalula ntima. Mpe yinki vwandaka mpasi yina ya nsuka? Ya vwandaka lufwa.

246 Yina kele mpasi ya nsuka yina me bula dibuundu ya Pentecote, kele lufwa ya kimpeve. Yandi me kufwa. Ya kele na Nkumbu ya Mfumu. Yandi kele ya kufwa na kimpeve. Yandi pesaka yandi ntangu ya kubalula ntima, mpe yandi mangaka Yawu. Ntangu yayi yandi me kufwa. Yandi ke vumbuka dyaka ata fioti ve.

247 Mpe bantu yina kuna, yina ke meka na kukotisa ba-Episekopo mpe banganga-Nzambi, mpe nionso yina, mpe ke bokila bawu, “Tata ya Santu *Kingandi*.” Na yina, ba fwana vwanda na nsoni ya bawu mosi. Wapi mutindu mpofo muntu lenda kuma! Yesu tubaka yawu ve? Ntangu mwense yina ya kulala kwizaka samu na kusumba Mafuta, yandi kuzwaka Yawu ve!

248 Muntu nyonso, beno ke kuwa bantu kutuba, “Mu kele na Mpeve-Santu. Mu zonzaka na bandinga.” Kasi bawu zola kwisa ve na yinzo-Nzambi ya mutindu yayi. “Oh, nge zaba, mu ke kwikila ve ti mu lendaka kwenda na kisika ya mutindu yina.” Mpe na manima beno ke tuba ti beno ke na Mpeve-Santu?

249 Kasi beno zola banzila ya beno ya lukumu. Beno zola kuvwanda na Babybone mpe dyaka kusepela na balusakumunu ya Mazulu. Beno fwana sala nsodolo ya beno. Beno lenda ve kuvwanda kuna na yinza mpe kusadila Nzambi na ntangu mosi. Yesu tubaka ti beno lendaka ve kusadila Nzambi mpe mammon. Na yina kana beno ke vingila ve . . .

250 Kana beno me kuzwa mpulusu, beno ke sepela na balukutakanu kisika Mpeve-Santu ke na kusiamisa Yawu mosi mpe ke talisa ti Ndinga ya Nzambi kele mutindu yina.

251 Muntu mosi tubaka, “Bantu ke salaka makelele mingi. Ya ke kotisaka munu na kidi-kidi.” Beno ke vwanda na kidi-kidi kana beno kwenda na Zulu. Mpe beno banza kaka, ntangu bawu nyonso ke vwanda kuna, na yina wapi mutindu ya ke vwanda? Oh, la la! Mutindu Mfumu zola ku . . .

252 Yandi kele na ntima ya yinda, mutindu Yandi vwandaka na bilumbu ya Noé. Yandi salaka kingolo-ngolo. Yandi vibidilaka mingi, bamvula nkama na makumi zole, samu na kunata bawu na kubalula ntima. Bawu mangaka na kusala yawu.

253 Na bilumbu ya Egypte, Yandi tindaka bampasi mpe nionso yina. Ba lendaka sala yawu ve.

Yandi fidisaka Jean. Bawu zolaka vutuka ve.

254 Yandi fidisaka Yesu, samu na kufwa, samu na kuvulusa kimvuka nionso yina ke kuwa Ndinga.

255 Mpe ntangu yayi, na bilumbu ya nsuka, Yandi silaka diaka ti Yandi ke tinda Nsangu mosi samu na kubokila Yandi, mpe kuvutula Lukwikilu ya ntete na Yawu, samu na kuvutuka na Ndinga. Mpe bawu zolaka ve kuyamba Yawu. Bawu kele ya kifuluka na ba-dogme, na ba-dogme ya bawu mpe ba-credo ya bawu, tii bawu zolaka ve kusala Yawu. Oh, bawu banzaka kana bawu vwandaka . . . kana Wanzio kulumukaka; kasi Nzambi ke sala yawu ve.

256 Yandi ke bakaka kima yina zaba kima mosi ve mpe ya mpamba, kima yina zaba ve ABC ya yandi to—to kima mosi ve. Mpe na yina Yandi ke bakaka muntu ya mutindu yina, samu ti Yandi lenda baka kima yina kele kima mosi ve mpe na yina ke sala na nzila ya yawu. Ntangu nionso beto ke banzaka ti beto kele kima mosi, na yina ba lenda sala kima mosi ve na yawu. Yandi ke salaka yawu ntangu nionso. Beno fwana kuma kima mosi ve, samu na kukuma muntu mosi na Nzambi. Oh, la la!

257 Beno tala, ntete, “Yandi pesaka yandi ntangu ya kubalula ntima, kasi yandi salaka yawu ve.”

258 Yandi salaka yawu diaka; yandi ke manga na kusala yawu. Kumanga ya yandi, nzila, ke sala yandi, to, kumanga ya yandi ke sala nzila ya kulunga samu Satana kukwisa na kati ya yandi mpe kukituka muntu. Ya kieleka. Yandi ke kituka muntu na kati ya yandi, samu yandi me manga Ndinga. Mpe ya kele kaka kima mutindu mosi yina dibuundu ya ba-Protestant me kuma, kento ya kindumba, ya kele samu ti yandi ke manga Kieleka yina me siamisama ya Ndinga ya Nzambi, mpe yina ke pesaka diabulu ya kukota mpe kukituka muntu. Mpe yandi ke sala kifwani ya kibulu ntangu ba ke vukana kintwadi, kuna, mpe ke sala kaka yina Yandi tubaka. Ya kieleka. Amen.

259 Kana mu vwandaka na malongi ya lukolo, mu zolaka basisa Yawu. Mu me longukaka ve. Mu ke na kuingila kaka Mpeve-Santu kutsalisa Yawu na beno. Mpe Yandi ke sala yawu, na bayina . . . Ya kieleka. Yandi ke sala yawu. Yinga. Beno tala.

260 Beno tala mutindu, yina yandi salaka awa. Yandi mangaka Nsangu ya Nzambi samu na yandi kubalula ntima. Yandi bandaka, mbeni ya Klisto, mpe yawu yina yandi vwandaka. Yandi kumaka, profete ya luvunu, mpeve ya yimbi yina me kituka muntu, mpe, ntangu yandi salaka yawu, na malongi ya yandi ya luvunu. Mpe na yina, na nionso yina, Nzambi pesaka yandi ntangu ya kubalula ntima, mekaka na kuvutula yandi.

261 Beno me mona mutindu Yandi kele na mvibudulu? Wapi mutindu ya zola ya kulutula mbote! Ya kele ve na zola mutindu yina! Beno tala, ata mpe bayina losilaka Yandi mate na kizizi mpe nionso yina, Yandi lemvokilaka bawu. Yina kele Nzambi, beno me mona. Ve . . .

262 Ba ke manga Nsangu ya Nzambi! Beno tala, ba lombaka yandi na kubalula ntima, na kuvutuka na kisika yina yandi kubwaka.

263 Mpe wapi kisika yandi kubwaka? Na Ndinga. Kieleka. Wapi kisika Eve kubwaka? [Dibuundu me tuba, “Na Ndinga.”—Mu.] Na Ndinga! Wapi kisika ba-denomination kubwaka? [“Na Ndinga.”] Yawu yina. Beno me mona? Na mutindu yankaka ve. Kaka, ntangu nionso, ya ke vutuka mbala mosi na Ndinga, mbala mosi na Ndinga. Beno me mona? Mpe ba ke kota na systeme yina ke nata bawu ntama na Ndinga, ke nata bawu ntama na Ndinga na kisika ya kunata bawu na Ndinga. Beno tala.

264 Beno tala, ba pesaka yandi ntangu ya kubalula ntima, samu na kuvutuka. *Kubalula ntima* zola kutuba “kuvutuka, kubaluka, kuvutuka na manima.” *Kubalula ntima*, “kuvutuka.” Mpe ba pesaka yandi ntangu ya kuvutuka na kisika yina . . .

265 Ntangu yayi beno bambuka moyo, yandi vwandaka Dibuundu ya ntete, ya pentecote yina Mpeve-Santu tiamunaka kuna, na Kilumbu ya Pantekote. Bantu yikwa ke longukaka Biblia zaba yawu? Kieleka, yandi vwandaka. Beno me mona kisika yandi kwendaka? Yandi me kubwa na Ndinga, mpe me ndima ba-dogme. Yandi banzaka. . . Na kisika ya Mpeve-Santu, yandi zolaka muntu ya santu, “Docteur ya Droit, ya Philosophie, Q.U.” mpe na manima salaka yandi pape. Beno me mona? Ya kieleka. Kasi, yandi, yawu yina yandi zolaka, muntu mosi ke kusambila samu na yandi. Muntu mosi. . . Yandi ke futa yandi mbongo, mpe yawu yina kaka ya lendaka sala. Beno me mona?

266 Ntangu yayi, ya kele kima mutindu mosi bubu yayi. Ntangu nionso ba ke na banc ya bawu na yinzo-Nzambi, ti ba ke futaka mbongo mingi na kitunga ya makabu, yina me lunga samu na bawu. Ba kele mambele ya dibuundu yina. Beno tuba na bawu kima yankaka ve samu na Yawu; ba ke zola ve kuzaba. Yina kele bana ya yandi ya bakento.

267 Ntangu yayi, wapi kisika yandi kubwaka? Na Ndinga ya ntete ya bantumwa mpe baprofete. Ya ke kisika yina yandi kubwaka. Ya ke kisika yina ba-Protestant kubwaka.

268 Beno balula ntima! Beno vutuka! Beno vutuka na ntwala ntangu kuluta mingi. Ntangu me luta ntete ve. Mosi ya bilumbu yayi ti Mwana-dimeme ke bika kisika ya Yandi, mpe na yina nionso ke mana. Mutindu yina ba me lomba na bana ya yandi ya bakento ntangu yayi, na ntwala ba fundisa bawu na yandi, na “kuvutuka.”

269 Ntangu yayi, Nsangu ya nsuka yina ba ke kuzwa, kele ntangu profete yayi, yina mu vwandaka zonzila. . . Yina, mu me tanga babuku mingi samu na Yawu. Mpe mu zaba ti bantu ya kieleka ya mbote, ya mabanza ya mbote, bantu ya kimpeve kuzaba ti Yawu ke kwisa. Bawu zaba yawu. Bawu zaba ti Yawu ke kwisa, beno me mona. Bawu. . . Kasi mpasi ya yawu kele, bawu ke landila



na kutuba, “Beto ke na nsatu ya Yawu. Yawu ke salama,” mpe ntangu Yawu ke kwisa, ti bawu ke vwanda ya kukikulumusa mingi, mu banza bawu ke kondwa Yawu kaka mutindu bawu salaka na ntangu yina. Ya kieleka. Bantu ke sonika samu na Yawu, mpe nionso yina, ba ke tuba, “Oh, yinga, Ya ke na nsatu ya kuvwanda awa,” mpe na yina bika ti Yawu talisama kaka na ntwala ya bawu, mpe bawu ke landila kaka, beno me mona. Na yawu bawu ke salaka yawu ntangu nyonso.

<sup>270</sup> Beno tala mbote ntangu yayi, Ndinga ya kisina. Ba ke ba- . . . ba . . . Yandi fwana balula ntima, kuvutuka, diaka, mutindu yina ba me lomba na bana ya yandi ya bakento. Ba ke tuma bawu . . . ba ke fundisa bawu, mpe ba ke losa bawu na mbeto yina mosi mpe ba ke kufwa yandi. Ba me lomba bawu na kuvutuka na Ndinga ya kieleka, kuvutuka na Malongi ya bantumwa. Kasi, ba me kangaka na ba-credo ya bawu mpe nionso yina, ba ke sala yawu ve. Ba ke seka Yawu kaka.

<sup>271</sup> Na yina yinki bawu ke salaka? Na nsuka bawu ke sala kifwani ya kibulu, ngolo yankaka; beno tala, mpe ba ke sala, na Kento ya makwela ya Mwana-dimeme, mutindu yandi salaka na Apocalypse 13:14. Yawu yina bawu ke salaka, bawu ke talisa mpasi, kaka mutindu mosi. Mabuundu ke seka kaka Kento ya kieleka ya Klisto, mutindu Rome salaka ntete. Ya kieleka kaka. Yinga, tata. Ya ke sala na Kento ya makwela ya kieleka ya Mwana-dimeme kieleka mutindu yandi salaka na Apocalypse 13:14.

<sup>272</sup> Ntangu yayi beno tala. Beto ke mona, na nzila ya Ndinga ya Nzambi ya nsilulu, Yandi ke—Yandi ke kufwa bana ya yandi, badenomination, bana ya yandi ya bakento, na lufwa ya kimpeve. Ntangu yayi, yina kele Apocalypse 2:22. Beno zimbana yawu ve. Kufwa, kele kutula na kufwa. Mpe *lufwa* kele “kukabwana ya kukonda nsuka na Mvwandulu ya Nzambi.” Beno banza na yawu, bankundi. Beno banza na yawu. Beno tula kivuvu ve na ba-credo yina me salama na bantu. Kima nyonso yina kele ya kuswaswana na Ndinga, beno vwanda ntama na yawu.

<sup>273</sup> Ntangu yayi beno tala mbote, beno tala mbote na Biblia awa. Ya ke tuba ti nkumbu ya yandi vwandaka Difelo, mpe . . . mu zola kutuba:

. . . nkumbu ya yandi *vwandaka Lufwa, mpe difelo vwandaka landa yandi.*

<sup>274</sup> Ntangu yayi, difelo ntangu nyonso ke landaka lufwa, na kimuntu. Ntangu muntu ya kimuntu ke kufwaka, difelo ke landaka yandi; yina kele ntoni, kalunga, beno me mona, yina ke na kimuntu. Kasi na kimpeve, ya kele Dyanga ya Tiya, beno me mona, mbote mingi, na kukabwana ya Kukonda nsuka, kisika ba me yoka bawu.

<sup>275</sup> Mpe—mpe Malachie 4 ke tuba, “Beno bika ata kitini ya yinti ve, to divala mosi ve, to kima yankaka ve.” Ya ke mutindu

yinza fwana kuzwa diaka mvedolo, samu na Millenium. Beno me mona?

276 Beno talaka, munati-mpunda kele “yandi”? Mpe “yandi” vwandaka na diboko “ya yandi;” “muntu,” profete ya luvunu. Kasi kento ya yandi ya makwela ba ke bokila dibuundu, “yandi,” Jézabel. Achab; Jézabel. Oh, ya kele kaka ya kulunga mutindu kima nyonso. Beno me mona? Beno me mona?

277 *Bana ya bakento* kele “yandi,” dyaka, kasi ba me ndimaka ata fioti ve ti bakala kubaka lutwadusu; ya kele ba-Protestant, samu na yina, kasi bawu kele kaka bakento ya kindumba na mutindu, ya malongi ya bawu, ya ba-denomination, ya ba-systeme ya bawu. Ya kele kaka . . . Ya kele yina yawu me tuba.

278 Beno tala. Wapi kisika yayi ke kuma? Ntangu yayi, beto me kuma kaka pene ya minuti kumi na zole, kumi na yiya awa, mu banza. Beno tala kisika nionso yayi ke suka. Yinki ya kele? Yawu ke vutuka kaka na yina salamaka, na mbandukulu kuna na Zulu. Ya ke suka na bitumba ya nsuka.

279 Kima ya ntete, na Zulu, vwandaka bitumba. Ba basisaka Lucifer, mpe yandi kwisaka na ntoto. Na yina yandi bebisaka Eden; na yina yandi ke landila kaka na kubebisa kubanda kuna. Mpe ntangu yayi, kubanda bitumba kuna na Zulu, yawu me kuma bitumba na zulu ya ntoto; mpe ya ke suka, na zulu ya ntoto, na ntangu ya nsuka, na bitumba yina ba me bokila Harmaguédon. Ntangu yayi, muntu nionso me zaba yawu. Bitumba bandaka na Zulu, santu, mpe ba losaka yandi na nganda. Michael na Bawanzio ya Yandi losaka yandi, ba basikaka yandi. Mpe na ntangu yina, yandi kulukumakaka na Eden, mpe awa yandi bandaka bitumba. Beto me kutana . . .

280 Nzambi vwandaka bumba bana ya Yandi na nkindusulu ya Ndinga ya Yandi. Mpe Eve balulaka nkingu ya yandi, yandi tubaka, “Mu ke kwikila ti nge ke ya kusungama, mu banza.” Mpe yawu yina. Mpe ya ke kaka mutindu yina, kubanda ntangu yina. Na yina Nzambi kulukumakaka, mpe ntangu yayi Yandi fwana . . . Yandi kulukumakaka samu na kuvulusa bayina ke kwisa.

281 Mutindu mu tubaka, Nzambi kele mutindu mfumu ya kosalu ya nene. Yandi ke tulula bisadilu ya Yandi nionso na zulu ya ntoto, na manima Yandi ke tunga bivinga ya Yandi. Ntangu yayi beno bambuka moyo, na ntwala ya vwanda na mbuma ya—ya nkuna na zulu ya ntoto, na ntwala ya vwanda na mwini kubula ntoto na mbala ya ntete, nzutu ya beno vwandaka na zulu ya ntoto, samu ti beno kele fundu-fundu ya ntoto. Beno me mona? Beno kele. Nzambi kele Mfumu ya kosalu.

282 Ntangu yayi, mutindu Yandi zolaka sala yawu, vwandaka kulokota yawu (mutindu Yandi salaka samu na Adam) mwa kinkuku ya calcium, potasse, mpe nsemo ya yinza, mpe, “Fiou!” Beno ke tuba, “Yayi kele mwana ya Munu yankaka.” Beno me

mona? Na yina Yandi ke nata bayankaka dyaka, mpe, “Fiou!” “Ya kele na mosi yankaka.”

<sup>283</sup> Kasi yinki Eve salaka? Yandi bebisaka nzila yina. Mpe yandi nataka yawu na nzila ya kuvukisa banzutu, na yina lufwa bulaka yawu.

<sup>284</sup> Ntangu yayi yinki Nzambi ke na kusalaka? Yandi kele na mingi ya bankuna yina kuna, yina ba soolaka na ntwala; ndambu yina, ba soolaka na ntwala. Mpe na yina, na ntangu ya nsuka, Yandi ke tuba ve, “Eve, kwisa buta mwana yankaka.” Yandi ke (“Fiou!”) ke bokila, mpe mu ke pesa mvutu. Yimeni. Yawu yina. Yawu yina dibanza. Ntangu yina ya nsuka ke kota, yina ke sukisa diambu.

<sup>285</sup> Ntangu yayi, bitumba bandaka na Zulu. Ya ke suka na zulu ya ntoto, na mutindu ya Harmaguédon.

<sup>286</sup> Ntangu yayi beto tala mbote mpe beto mona yawu kuzibuka na ntwala ya beto. Mpe mu banza ti beto lenda monikisa yawu. Mfumu kusadisa beto malu-malu yayi na kusala yayi ntangu yayi. Beno tala yawu mbote.

<sup>287</sup> Munati-mpunda ya mansweki, beno tala yina yandi ke sala ntangu yayi; “yina me telemina,” yina me manga na kubalula ntima mpe kuvutuka na Menga ya kieleka ya Ndinga. Ndinga kumaka Menga mpe nzutu. Beno me mona? Yandi mangaka na kuvutuka na Yawu. Mbeni ya Klisto! Kento ya makwela ya kieleka-Ndinga, kele ya kuswa- . . . yandi kele ya kuswaswana na Kento ya makwela ya kieleka-Ndinga. Yandi ke baka kento ya yandi mosi ya makwela! Yandi ke tuba Kento ya makwela ya kieleka, mpe. Mpe yandi ke baka kento ya yandi mosi ya makwela, mpe ke nata yandi na yandi, na mutindu ya nsambulu yina ba me bokila ba-credo mpe ba-dogme. Beno me mona? Mpe ntangu yayi, na kumonaka Kento ya makwela ya santu, yandi ke telemina Yandi. Kasi yandi ke salaka mutindu ya kento ya yandi ya makwela, yina ba ke bokilaka mbeni ya Klisto, na nzila ya malongi ya mbeni ya Klisto, yina kele ya kuswaswana na Klisto. Beno me mona wapi mutindu yandi kele na mayele ya yimbi? Mpe ntangu yayi, na kisika ya kuzwa kuvukana ya zola, yina ke twadisa, kusambila na nsi ya Menga, yandi kele na dénomination. Na kisika ya Ndinga, yandi bakaka ba-credo, ba-dogme, mpe nyonso yina.

<sup>288</sup> Mutindu, mpe ba-Protestant ke tubaka, “Ba-Credo ya Bantumwa.” Mu zola ti beno lakisa mpova mosi ya yawu na kati ya Biblia. Ntumwa, ya ke na Credo ya Bantumwa ve na kati ya Biblia.

<sup>289</sup> Mutindu mu tubaka awa, ntangu yayi, ntama mingi ve, to kisika mosi kuna. Kana bantumwa vwandaka na credo, ya kele Actes 2:38. Ya kieleka kaka yina bawu kuzwaka. Yawu yina bawu bokilaka bantu nionso na kusala. Ntangu yandi kuzwaka mosi ya bawu yina monanaka mutindu bawu

vwandaka Baklisto, Yandi tubaka, “Beno kuzwaka Mpeve-Santu tuka beno kwikilaka?”

Yandi tubaka, “Beto zaba ve ti ya kele . . .”

Yandi tubaka, “Na yina wapi mutindu ba botikaka beno?”

<sup>290</sup> Ntangu yayi, na kuvwandaka ya kubotama na Nkumbu ya Yesu, to na Nkumbu ya Mfumu ya beto Yesu Klisto, mu zola kutuba, ya ke, ya kele mbote mingi, kasi yina kele ve nyonso ya yawu. Ve, tata. Beno lenda baka mbotika bambala makumi tanu, mutindu yina, mpe ya ke sala ata kima ya mbote ve tii kuna ntima yina ke soba na Mpeve-Santu. Yina nionso fwana tambula kintwadi. Beno tala, ya kele—ya kele Klisto!

<sup>291</sup> Mbeni ya Klisto ke manga Malongi ya kieleka ya Kento ya makwela, mpe na yina yandi ke baka kento ya yandi mosi ya makwela ntangu yayi mpe ke sala yandi, na nsi ya credo ya yandi mosi. Yandi ke baka kento ya yandi ya makwela mpe ke sala yandi denomination! Yandi ke buta ba-denomination yankaka, mutindu ba me tuba na Masonuku yayi ya Santu; ke buta bana ya bakento. Mpe yandi kele ve . . . Yandi ke kuma kaka mutindu mama ya yandi, na kimuntu, na mutindu ya denomination; yina ke manga Kento ya makwela ya kimpeve, Ndinga.

<sup>292</sup> Bawu ke tubaka ve ti bawu kele ve mambele ya dibuundu. Beno tuba na muntu ya denomination. “Ya kieleka, mu ke mambele ya dibuundu mosi.” Nge kele Muklisto? “Mu ke mambele ya dibuundu yina!” Yina ke na kima ya kusala na Yawu ve! Bawu ke tuba . . . Beno kele ve mambele ya Di- . . . Beno, beno lenda vwanda mambele ya yina ba ke bokilaka dibuundu, beno me mona, mambele ya dibuundu. Yina kele Dibuundu ve. Yayi kele Mabuundu ve. Yayi kele ba-club kisika bantu ke vukanaka, mpe bantu mutindu, “bandeke ya mansala ya mutindu mosi.”

<sup>293</sup> Kasi beno ke kaka na Dibuundu mosi, mpe yina kele Nzutu ya mansweki ya Klisto. Mpe beno ke kota na Yawu ve. Beno me butuka na Yawu.

<sup>294</sup> Mutindu mu ke tubaka yawu ntangu nionso, mu kele na dibuta ya Branham bamvula makumi tanu na tatu, mpe mu me kotaka na yawu ata fioti ve. Mu butukaka na kati ya yawu. Beno me mona?

<sup>295</sup> Ntangu yayi beno tala. Ya kele kaka kifwanukusu ya kitoko. Mu—mu ke . . . Masonuku sonikaka awa, kasi mu . . . beto ke na ntangu ya kubaka yawu ve; mutindu Ésaü mpe Jacob.

<sup>296</sup> Ntangu yayi, Ésaü vwandaka musambidi. Yandi vwandaka tuba ve ti yandi vwandaka muntu ya kukondwa lukwikilu. Yandi kwikilaka na Nzambi yina mosi na Jacob, Nzambi yina mosi tata ya yandi kwikilaka. Kasi yandi vwandaka kaka bandi, to beno lemvokila nzonzolo yayi, kaka . . . Yandi vwandaka na mfunu ve. Yandi—Yandi vwandaka, ntangu yayi, na mutindu ya bumuntu, yandi vwandaka muntu mosi ya kulutila mbote kulutila yina

Jacob vwandaka. Kasi, beno me mona, yandi banzaka ve. . .  
 “Oh, yinki bukuluntu yayi ke sala na Yawu?” Mpe yandi tekaka bukuluntu ya yandi na Jacob. Beno me mona?

<sup>297</sup> Kasi, Jacob, yandi vwandaka na bima ya nene ve, mpe mutindu Ésaü vwandaka na yawu. Yandi vwandaka ve na difwa yina yandi vwandaka na yawu. Kasi ya vwandaka na kima mosi yina Jacob vwandaka zola, ya vwandaka bukuluntu yina. Yandi talaka ve mutindu yandi zolaka kuzwa yawu; yandi zolaka kaka kuzwa yawu. Mpe Nzambi zolaka zitisa yandi.

<sup>298</sup> Mpe, na yina, ya kele kima mutindu mosi bubu yayi, na muntu ya yinza, dibanza ya nsuni, na dibanza ya yinza. “Mbote, mu kele ya dibuundu ya leta. Mu kele mambele ya dibuundu *yayi*. Mu kele mambele ya dibuundu *yina*.” Yina ke na kima ya kusala na Yawu ve, ata kima ve.

<sup>299</sup> Beno tala, yandi ke vukisa bawu ntangu yayi na mpunda ya yandi ya bantinta ya kuvukisa. Yandi ke vukisa bawu kisika mosi, na zulu ya mpunda ya yandi ya bantinta ya kuvukisa, samu yandi kele na ngolo ya politiki.

<sup>300</sup> Beno ke kwikila ve ti yandi ke na yawu? Wapi mutindu Ntwadisi yayi ya yinsi me kota na ntangu yayi? Wapi mutindu foti ya mutindu yina lendaka salama? Uh-huh! Beto me kwisa awa samu na kimpwanza ya nsambulu; mpe beno nkonga ya ba-démocrate yina ke teka bukuluntu ya beno na politiki! Mu kele ve. . . Kimvuka ya ba-Démocrate kele mbote mingi; nionso zole kele ya kupola. Mu ke na kuzonzila Buklisto. Kasi beno ke tekisa bukuluntu ya beno, na zulu ya tike ya ba-démocrate, samu na kusoola kima mutindu yina. Nsoni na beno!

<sup>301</sup> Beno zaba ve ti yinsi yayi, ya kieleka, kele na kifwanisu ya Israel? Yinki Israel salaka? Yandi kwisaka kuna na yinsi ya nzenza, mpe basisaka bayina vwandaka ntete kuna mpe kufwaka bawu, mpe kotaka kuna mpe bakaka yinsi. Ya kele yina beto salaka; na ba-Indien. Ya kele kaka Américain ya kieleka, ya kele bankundi ya beto ya ba-Indien.

<sup>302</sup> Mpe yinki bawu salaka? Israel vwandaka na bantu fioti ya nene. Kima ya ntete beno zaba. . . Bawu vwandaka na David, mpe bawu vwandaka na Salomon. Bawu vwandaka na bantu ya nene. Mpe na nsuka bawu kuzwaka kimpumbulu kuna, Achab, yina kwelaka Jézabel, muntu ya kukondwa lukwikilu.

<sup>303</sup> Mbote, yawu yina beto salaka. Beto vwandaka na Washington mosi na Lincoln, kasi beno tala yina beto me kuzwa ntangu yayi. Mpe kima ya kieleka samu na yawu, kele, yandi kwelaka Jézabel, mpe yandi me dinda tii na nkingu mpe yandi me kufwa meso mingi samu na yandi. Yandi lenda vwanda bakala mosi ya mbote, kasi yandi ke twadisa bwatu. Mpe beno ke mona yawu kaka na ntangu yayi, dibuta ya muvimba ke na kukota.

304 Yinki Mpeve-Santu tubaka na munu, pene ya bamvula makumi tatu na tanu me luta? Mpe beno nionso bantu ya ntama zaba yawu, samu na yina me tala bima sambwadi yina ke salama na ntwala ya yawu. Mpe yayi kele ya nsuka, yina ke tekila kima ya nsuka, yina ke na kwiza. Bima nionso yankaka me salama na mutindu ya kulunga, tii na bamvita mpe nionso yina. Beno me mona? Mpe ntangu yayi yandi ke na maboko, kento, samu na kuyala yinsi. Jézabel! Beno me mona?

305 Kasi, beno bambuka moyo, na bilumbu ya Jézabel, muntu mosi tubaka na bawu mambu pwelele. Beno me mona?

306 Kuvukana, na zulu ya mpunda ya bawu ya bantinta ya kuvukisa. Mpe, beno me mona, yandi ke vukisa kima yayi kintwadi, yandi me vukisa ba-credo, ba-denomination, malongi yina muntu me sala. Ya kieleka? Ya kieleka, ntinta ya kuvukisa, ntinta ya kuvukisa ya mpunda yayi ya yinza, ya ntinta ya kunzuluka ya lufwa! Ntangu yayi, ya kele kieleka. Bantinta ya kuvukisa ya mpunda ya ntinta ya kunzuluka yina ke talisa lufwa, yinza, oh, la la, ve Menga ya santu ya Ndinga, ata fioti ve!

307 Mpe beno tala mbote. Kubanda na nsongi . . . “Na bansongi yiya ya ntoto, bawu ke vukisa bawu; yandi ke vukisa bawu samu na Harmaguédon,” Biblia me tuba. Mu ke meka na kubanza na Masonuku, mutindu mu sonikaka yawu awa. Mu ke tanga yawu ve; kasi mu ke tala kaka yina mu sonikaka, samu na kumona yina ya kele. “Yandi ke vukisa bawu, samu na kilumbu ya nene ya bitumba ya Mfumu Nzambi.” Beno tala mbote. Ntangu yayi, na zulu ya mpunda yayi ya bantinta ya kuvukisa, mpunda yayi ya yinza, ya kubela, kaka, ya kunzuluka; beno zaba, ya kele kima ya yimbi. Ntangu yayi beno tala mbote kisika yandi ke vukisa bawu, “Na bansongi yiya ya ntoto.” Ba ke vukana ntangu yayi samu na kumeka ya ngolo. Kumeka ya ngolo ke vwanda na “Harmaguédon,” landila Ndinga. Beno me mona?

308 Na zulu ya mpunda ya kunzuluka, yina me mata na zulu ya yawu, ke nata “Lufwa” na zulu ya yandi, to, yina ba ke bokila na nkumbu ya, “Lufwa,” mbeni ya Klisto! Beno kuwa. Mbeni ya Klisto, denomination ya ntete (yina ba lendaka telemina ve); na Jézabel ya yandi, kento ya kindumba na Ndinga; na bana ya yandi ya bakento, na yandi, ba-Protestant; ke vukana bawu mosi kintwadi ntangu yayi samu na kusala kimvuka mosi!

309 Beno kuwaka ba-Baptiste kuzonza kilumbu yina, beno zaba? Huh? “Oh, beto ke vukana ve na bawu, kasi beto ke—beto ke vwanda na lutondo mpe ke kupusa fioti pene-pene ya bawu. Beto ke kota ve na dibuundu ya bawu, kasi . . .” Beno bawu yayi. Beno bawu yayi, kaka kieleka yina Ndinga me tuba. Beno me mona? Beno me mona? Kento ya kindumba ya ntama, na kisika ya ntete, beno me mona.

310 Ntangu yayi bawu yina, ke na kuvukana, samu na kumekama ya ngolo yina, ya Harmaguédon, mpe na zulu

ya mpunda ya bantinta ya kuvukisa; na mpunda mosi ya mpembe, mpunda mosi ya mbwaki, mpunda ya ndombe. Tatu, ya luswaswanu: ngolo ya politiki—ya politiki, ngolo ya kimpewe, me twadisama na ngolo ya mpeve ya yimbi, yina kele mbeni ya Klisto. Na kuvukisaka nionso kintwadi, mpe beno ke kuzwa kima yayi ya ntinta ya kunzuluka, ya kubela yina yandi me mata. Kieleka. Ntangu yayi beno tala. Beno tala mpunda yina yandi me mata, mpunda yayi ya kunzuluka, ya grize, ya kuvukisa na ndombe, mbwaki, mpe mpembe; yandi ke kwisa samu na bitumba, ke vukisa bantu ya yandi na konso yinsi yina ke na nsi ya Mazulu! Daniel tendulaka ve ndosi yango, mpe monaka kisengo yina vwandaka kota na konso kimfumu, ya Rome? Yawu yayi, ke na kuvukanaka.

Ntangu yayi beno vwanda swi samu na kumanisa, na mwa ntangu fioti, mpe beno kuwa mbote-mbote.

<sup>311</sup> Ba ke vukana ntangu yayi samu na kusala yawu, yandi ke nata bantu ya yandi na bansongi yiya ya ntoto; na yina yandi ke mata mpunda ya bantinta tatu ya kuvukisa, mpunda ya kunzuluka, ya kubela. Muntu mosi!

<sup>312</sup> Ntangu yayi, na Apocalypse 19, ve kaka yandi me kubama, kasi Klisto me kubama samu na kukutana na yandi. Bitumba ke vwanda ngolo mpe mpasi. Klisto, na Apocalypse 19. Klisto me vukisa bantu ya Yandi, ve na bansongi yiya ya ntoto, samu ti ya ke vwanda kaka na ndambu ya fyoti. Yinki Yandi ke na kusala? Yandi ke na kuvukisa bawu na bansongi yiya ya Mazulu. Beto ke baka bawu, “mioyo na nsi ya autel,” mbasi na nkokila, mpe beno ke mona kana ya kele kieleka, to ve. Bansongi yiya ya Mazulu; na zulu ya mpunda ya mpembe mutindu mvula-mpembe!

<sup>313</sup> Yandi kele mpe na Nkumbu, lufwa ve, kasi, “Ndinga ya Nzambi,” Luzingu. Amen. Ba me sonikaka yawu kuna na zulu ya mupende ya Yandi awa, “Ndinga ya Nzambi.” Yina kele kaka Luzingu mosi, samu ti Nzambi kele yinto ya kieleka ya Luzingu ya Kukonda nsuka. Zoe! Ya kieleka?

<sup>314</sup> Mpe Yandi me sonika, “Luzingu,” me mata na zulu ya mpunda ya mpembe; mpe awa kele muntu yina kele na bangolo tatu ya luswaswanu, yina ba ke bokila “Lufwa.” Yandi ke na kuvukisa bimonikisi ya yandi yina kele ya kukangama na ntoto; mpe Klisto ke na kuvukisa bantu ya Yandi yina me butuka na Mazulu, basantu. Yandi ke na “Lufwa” ya kusonika na zulu ya yandi; Klisto ke na “Luzingu” ya kusonika na zulu ya Yandi.

<sup>315</sup> Bayina kele na Yandi na zulu ya bampunda ya mpembe, mpe, mpe ba me bokila bawu, “Bayina ba soolaka na ntwala ya mbandukulu ya yinza.” Amen! Mpe bawu kele ya kukwikama na Ndinga. Amen! Fiou! Mu zola yawu. “Yina ba me bokila, yina ba me sola, na ntwala ya mbandukulu ya yinza.” Mpe kuna, ya kukwikama na Ndinga, na nzila ya nsodolo ya bawu, bawu nionso ya kuzatuka na vinu ya malu-malu mpe Mafuta, ba ke

landila kaka na kukwenda, ba ke kwenda kukutana na yandi. Bawu zaba ti Banzasi ke wumela ve, na kukotisa yawu samu na beto. Beno me mona?

316 Beno tala mbote. Wapi mutindu yandi ke sala? Na yawu, kana Yandi kele Ndinga, mpe Nkumbu ya Yandi kele Ndinga, na yina Ndinga kele Luzingu. Mbeni ya Klisto; konso kima yina kele *mbeni* “ke telemina,” na yawu *mbeni* “ke telemina” Klisto, Ndinga. Na yina, ya fwana vwanda credo, to denomination, yina ke telemina Ndinga.

317 Na yina, mu ke mona ve mutindu beno ke kondwa yawu. Kana beno—beno ke bakula yawu, wapi mutindu beno lenda kondwa yawu? Mu zaba ve mutindu beno ke sala yawu.

318 Mpe ya kele kieleka. *Mbeni* kele “kutelemina.” Ya kieleka ve? “Beno Kwenda ntama na yawu.” Ya kele yina yandi vwandaka. Yandi ke mata na zulu ya mpunda ya yandi ya bantinta ya kuvukisa. Beto me mona yawu kaka awa na kati ya Ndinga ya Nzambi.

319 Beto monaka yawu kuna na bansungi sambwadi ya dibuundu. Awa Yandi ke zonzila yawu dyaka na kati ya Bidimbu, ke zibula mpe ke talisa bima yina me salama, na kati ya bansungi ya dibuundu.

320 *Mbeni* kele “kutelemina” Ndinga. Beno me mona samu na yinki, ba-credo, samu na yinki beto ke telemina ba-credo mpe ba-denomination? Samu bawu ke telemina Ndinga. Beno me mona?

321 Awa beto ke mona Luzingu mpe lufwa ke kwisa na mvita ya nsuka. Mpunda ya mpembe, ya Luzingu ya kieleka; mpunda ya kunzuluka, ya ba-credo ya kuvukisa. Ba ke mona kima yina ke kwisa na—na kisika ya kumekama ya kieleka ya ngolo.

322 Ntangu yayi mu zola tuba kima mosi awa. Beno lenda kwikila yayi ve. Kasi mu talaka yawu, samu na kuvwanda ya kieleka. Ya kele kaka na ntinta mosi ya kieleka, mpe ya kele mpembe. Bantu yikwa zaba yawu? Ya kele kaka na ntinta mosi ya kieleka. Yina yankaka, kele ya kuvukisa.

323 Klisto kele na zulu ya Ndinga ya kukondwa kuvukisa, ya mpembe ya kukondwa mvindu, kubanda mbandukulu. Amen! Amen! Ba-ntinta nionso zolaka vwanda ya mpembe kana ba vukisaka yawu na ba-élément. Amen! Nkembo! Konso dibuundu lendaka vwanda ya kutelama na zulu ya Malongi ya bantumwa ya Ndinga ya Nzambi, mpe Nzambi zolaka siamisa Yawu, kana yandi zolaka vukisa ve ba-credo to ba-denomination na Yawu. Beno bawu yayi.

Oh, Mpangi Evans, mu ke na kuwa mbote ntangu yayi! Yinga, tata. Yinga, tata.



324 Ya ke kaka na ntinta mosi ya kieleka, ya kele mpembe. Ba ke vukisaka yawu ata fioti ve—yawu ata fioti ve na ba denomination to ba credo. Ve, tata.

325 Mpe, beno bambuka moyo, basantu ya Yandi me lwata bilele ya mpembe, yina ba me vukisa ve na denomination mpe ba-credo. Ntangu yayi beto ke mona ti, ba-credo ya ba-denomination, tala kisika beno me kuzwa bantinta ya beno ya kuvukisa. Kasi yayi kele ntinta ya kieleka Yandi me mata. Ntinta ya kieleka kele na zulu ya bantu ya Yandi. Mpe ba me dindisa bawu na kati ya Menga, yina me sukula bilele ya bawu, mpe me butula yawu kuna. Beno me mona? Ya kieleka.

Bayina me vukana, me kuzwa ntinta ya kunzuluka mpe ke kwenda na lufwa.

326 Ya kele kubeba, kubeba, kuvukisa bantinta na mpembe; beno ke bebisa ntinta ya kieleka. Ya kieleka? Kana ntinta ya kieleka, ntinta mosi kaka, kele mpembe, mpe beno ke vukisa kima mosi na yawu, beno ke bebisa kimalu ya yawu ya kieleka. Amen. Ya kieleka?

327 Mpe, na yina, kana Yandi kele mpunda ya mpembe, mpe Yandi kele Ndinga; na yina, kuvukisa kima mosi na Yawu, konso mutindu ya credo, kubwela ndinga mosi na Yawu, kukatula Ndinga mosi na Yawu, kele samu kubebisa kima ya muvimba. Oh, la la! Bumba munu na Ndinga, Mfumu!

328 Kieleka mpe luvunu! Oh, la la! Ata wapi mutindu mbote ti ya kele. . . Kieleka mpe luvunu lenda vukana ve. Ya lenda vukana ve. Ya kele to MUTINDU ME TUBA MFUMU to ya kele luvunu. Ata nyonso yina tata ya santu me tuba samu na yawu, Santu Boniface, to—to archevêque ya Canterbury; mu zaba ve nani me tuba yawu. Kana ya kele ya kuswaswana na Ndinga, ya kele kubeba. Ya ke vukana ve. Beno ke tuba, “Kasi, muntu yayi salaka. . .” Mu ke kipe ve yina yandi salaka, wapi mutindu ya santu yandi kele, to kima mutindu yina. *Yayi* kele Kieleka kaka yina beto ke na yawu. Dibuundu ve, credo ve, ya kele ve ya Kieleka, kana ya kele na ngaanda ya *Yayi*.

329 Mpe beno lakisa munu muntu yina kele na Yawu. Kaka, mu zola beno kutuba na munu. Mu ke baka Biblia, mpe mu ke lakisa beno kima mosi. Beno me mona? Beno lakisa munu mosi. Beno ke tuba, “Pentecotiste.” Oh, la la! Mu me simba dibanza yina na muntu mosi kuna. Ya kele samu na yina mu tubaka yawu. Kulutila mbote mu kwenda ntama mingi ve, na yina, samu mu ke mona ti mu ke na kusimbaka na kisika mosi ya ngolo. Mu—mu zolaka ve kunyongisa beno, kasi mu—mu zolaka kaka ti mu me zaba yina beno vwandaka banza. Beno me mona?

330 Bayina vukisaka, ba me soba (mbeni) na lufwa. Ba ke soba na ntinta ya lufwa, ntangu beno ke vukisa kima mosi na yina ya kisina.

331 Ya kele mutindu Klisto tubaka na yina me tala nkuna ya mutade. Kasi, ya kele ya fioti mingi kulutila bankuna nionso, kasi ya ke vukana na kima mosi ve. Mutade fwana vukana ve. Yandi kele ya mutade ya kieleka. Na yawu kana beno kele na lukwikilu ya mingi mutindu yina, beno kangama na yawu.

332 Beno tala. Luzingu vwandaka landa, munati-mpunda na zulu ya mpunda ya mpembe, Yina vwandaka Ndinga, Luzingu, yina me siamisama na nzila ya basantu ya Yandi yina me vumbuka na lufwa yina Yandi vwandaka na Yandi. Ntangu yayi wapi mutindu bitumba ke vwanda?

333 Yesu tubaka, “Yandi yina ke kwikila na Munu, ata ti yandi me kufwa, kasi yandi ke zinga.” Yandi tubaka, “Kana beno ke kwikila na Munu, ata ti beno—beno me kufwa, kasi beno ke zinga. Mpe muntu nyonso yina ke zinga mpe ke kwikila na Munu ke kufwa ata fioti ve.” Diaka, Yandi tubaka, “Yandi yina ke kwikilaka na Munu. . . Yandi ke pesa yandi Luzingu ya Kukonda nsuka, ke vumbula yandi na bilumbu ya nsuka.” Yina kele Masonuku ya Yandi ya nsilulu.

334 Tala Satana, na bansongi nyonso yiya ya ntoto, na ba-Protestant ya yandi mpe na ba-Catholique ya yandi—ya yandi, mpe nionso kintwadi, ba ke kwenda samu na Bitumba ya Harmaguédon. Mbote mingi.

335 Mpe awa me kwisa Yesu, me kulumuka na Zulu, na basantu yina me vumbuka na lufwa, Ndinga yina me siamisama.

336 Mu tubaka, kana Nzambi ke tuba, to ke fidisa beno, Yandi kele. . . Yandi—Yandi kele na manima ya yina beno ke tuba. Beno me mona? Beno tala, kana beno kele kimonikisi yina me katuka na Mazulu, Mazulu nyonso kele na manima ya beno. Mpe Mazulu me salama na Ndinga. Uh-huh.

337 Beno tala, ntangu yayi, Yandi me kwisa na basantu yina me vumbuka na lufwa, ke siamisa ti Ndinga ya Yandi kele kieleka.

338 Na yawu Satana zaba, na yina, dibenga ya yinda ya tiya ke vingila yandi. Beno me mona? Oh, la la! Na yina, lufwa mataka na zulu ya mpunda ya kuwanguka, ya kuvukisa na bacreto mpe ba denomination, mpe vwandaka landa yandi, oh, la la, samu na kukabwana ya Kukonda nsuka na Nzambi. Ya ke kisika yina yandi vwanda twadisa bawu, samu na kukabwana ya Kukonda nsuka.

Klisto mataka na zulu ya Dibuundu ya Yandi samu na kukota na Nkembo, na mvumbukulu.

339 Beno tala nzila 8 ntangu yayi, kaka kieleka. . . kitini ya nsuka ya nzila 8, na yina beto ke sukisa, beno me mona.

. . . *ba pesaka bawu ngolo* . . .

340 Nani kele “bawu”? Beno me mona? Mbote mingi. Mbeni ya Klisto, ba me bokila “Lufwa.” “Difelo vwandaka landa yandi.” Beno tala mbote mambu ya yandi na bitini yiya.

341 Mbeni ya Klisto, mpunda ya mpembe; ke kufwa na kimpeve, na kuvwandaka mbeni ya Klisto; ke kufwa na kimpeve.

342 Nimelo ya zole, mpunda ya mbwaki; ke kufwa na mbele; ngolo ya politiki, ntangu dibuundu mpe leta me vukana.

343 Mpunda ya ndombe; mioyo, ntangu yandi vwandaka kabula malongi ya yandi, mpe yandi salaka kuna na bakindumba ya yandi. Mpe yandi vwandaka teza madya ya bawu, na nzila . . . vwandaka tekila bawu . . . yina ya vwandaka pesa bawu samu na madya, na kitesilu, mpe samu na ba-centime, mpe nyonso yankaka yina.

344 Ya yiya, mpunda ya mpembe; kukabwana ya Kukonda nsuka na Nzambi. Diaka, yiya, beno me mona. Oh, la la!

Lukumu na Nzambi!

345 Ntangu yayi, na nsuka, awa samu na kumanisa. Na bayina . . . Beno me . . . Mu me luta ntangu, kasi beno ke pesa munu pene ya baminuti kumi dyaka? [Dibuundu me tuba, "Amen."—Mu.] Ba me bokila munu mingi, bubu yayi, samu—samu na yina mu tubaka awa.

346 Dyambu ya Elie, me nata bufanatiki mingi, tii ya kele kaka . . . Ba ke—ba ke nwanisa yawu kukondwa kulemba. Mpe beno lenda . . . Mbote, bika kaka . . . Bika ti Nzambi kusadisa munu na kusadisa beno na kumona yina mu ke mona. Beno zola? Beto meka, beno me mona.

347 Ntangu yayi awa, samu na kumanisa, samu na bayina ke kwikilaka ve ti munati—nsangu ya nsuka samu na nsungi ya dibuundu kele profete Elie, muntu yina ba me pakula mutindu yina.

348 Na manima ya lufwa . . . Beno tala mbote. Na manima ya lufwa, ya nsungi ya nsuka ya dibuundu yayi . . . Ntangu yayi, beno tala yina salamaka, beno me mona. Na manima ya lufwa, bantzutu ya bawu ya kufwa me beba na bibulu ya mfinda. Beno zaba yawu. Ntangu yayi, ya kele kieleka. Mutindu ya bawu, kele kifwanisu ya yina salamaka na Jézabel.

349 Ntangu yayi beno baka Apocalypse 2:18 mpe 20. Mu ke kwikila ti beto me tanga yawu na mwa baminuti fyoti me luta. Mutindu yina ve? Yinga, mu ke kwikila ti beto me tanga yawu. Mu sonikaka yawu awa samu na mwa . . . Yinga. Ntangu ya kubwa ya bumuntu, yawu yina ya vwandaka. Beno me mona mutindu ya vwandaka, mutindu Jézabel kwisaka. Ntangu yayi, Jézabel kele mabuundu, dibuundu ya bubu yayi; Kento ya makwela ve, ntangu yayi. Jézabel, na Ngwisani ya Ntama, kele kifwanisu ya dibuundu bubu yayi, landila Ndinga ya Nzambi, ya Apocalypse 2:18, 20.

. . . nge ke na kundimaka kento yina Jézabel, yina ke kukibokila yandi mosi profete ya kento, . . .

350 Beno me mona? Ya kele kieleka? Ntangu yayi, ya kele kifwanisu ya kulunga na Jézabel. Ntangu yayi, ya ntete. . .

351 Beto lenda kaka kupesa beno Masonuku na manima ya Masonuku, beno me mona, ti nsungi ya nsuka kele Nsangu ya profesi samu na Dibuundu, ke bokila bawu na kuvutuka na Ndinga ya kieleka. Ntangu yayi beno tala. Ya kieleka? Malachie 4 me tuba mutindu yina, mpe bayankaka, Apocalypse 10:7, mpe nionso yina. Beno me mona? Yesu Yandi mosi zabisaka yawu na ntwala, nyonso yina, nyonso yina, nyonso yina. “Mutindu ya vwandaka na bilumbu ya Lot,” mpe nionso mutindu yina, mpe nionso yina. Ya ke landila kaka na kukwenda.

352 Jézabel kele mutindu ya dibuundu ya bilumbu yayi samu ti Katolika mpe Protestant kele ya kuvukana kintwadi ntangu yayi. Ya—ya kele ve na mutindu ya kuluta na lweka ya yawu. Bawu nionso kele ba-dénomination, na yawu ya kele kaka—ya kele kaka mama mpe mwana ya kento, yimeni. Ba ke swana mpe ke bendana mosi na yankaka, kasi ba kele kima mutindu mosi, nyonso zole bakento ya kindumba. Ntangu yayi, mu ke na kutuba yawu ve na munu mosi. Mu ke na kutanguna MUTINDU ME TUBA MFUMU. Beno me mona? Mbote mingi.

353 Ntangu yayi beto ke mona ti, Jézabel, kufwaka na nzila ya lutumu ya Nzambi, yandi kufwaka samu Nzambi fidisaka Jéhu samu na kulosa yandi na nela, samu na kufwa Jézabel. Mpe bayimbwa kudiaka nzutu ya yandi (Ya kieleka?), Jézabel ya kieleka. Achab, ntinu ya yandi, yintu; bayimbwa kunwaka menga ya yandi, mutindu Elie tubaka na ntwala. Beno me mona kisika beto ke na kukwenda, mutindu yina ve?

354 Samu na yinki? Elie ya ntete vwandaka muntu yina ba losaka, na mabuundu. Mpe Jézabel mpe Achab vwandaka mfumu ya mabuundu ya bawu, dibuundu mpe leta, bawu nyonso kintwadi. Mpe Élisée monikisaka pwelele masumu ya Achab na ntwala ya yandi, mpe pesaka muswa na dibuundu ya muvimba na kuvutuka na Ndinga ya kieleka.

355 Tala kieleka yina Elie ya zole fwana sala ntangu yandi ke kwisa na dibuundu yayi na kilumbu yayi, “kuvutula Lukwikilu ya ntete”! Mu ke mona ve mutindu beno fwana sala samu na kumanga Yawu. Ya kieleka. Beno vutuka na Ndinga ya kieleka! Ya kieleka.

356 Ntangu yayi kana beno zola kumona banzutu ya bawu, beto baka awa na Apocalypse 19, na manima—na manima Ndinga kufwaka bawu. Ntangu yayi, Ndinga ke kufwa bawu. Beno zaba yawu. Mbote mingi. Ntangu yayi beno tala kaka mbote mpe beno tala yinki ke salama ntangu Klisto ke Kwisa, na Apocalypse 19, kubanda na nzila ya 17.

*Mpe mu monaka wanzio mosi ya kutelama na mwini; . . .*

357 Ntangu yayi, ya kele kaka na manima, beno tala na zulu awa, “Mpe kazaka ya Yandi vwandaka ya kupola na menga. Mpe ba bokilaka Yandi NTINU YA NTINU, MPE MFUMU YA MFUMU.” Na nzila ya 13, “Ba me bokila Yandi Ndinga ya Nzambi.” Beno me mona? Ntangu yayi, Yandi yayi awa, “NTINU YA NTINU, MPE MFUMU YA BAMFUMU.”

*Mpe mu monaka wanzio . . .*

358 Ntangu yayi beno tala mbote. Yandi ke kwenda na ntwala.

*Mpe na yinwa ya yandi vwandaka basika mbele ya nsongi, na yina yandi ke bula bayinsi: . . .*

359 “Na yinwa ya Yandi,” mutindu na yinwa ya Nzambi na yinwa ya Moïse. Beno me mona?

*. . . mpe yandi ke yala bawu na yinti ya kisengo: mpe . . . yandi ke—kamuna bambuma na kikamuninu ya vinu ya nganzi ya Nzambi ya Ngolo nionso.*

*Mpe yandi na kazaka ya yandi na nkumbu . . . na zulu ya mupende ya yandi ba me sonika, NTINU YA NTINU, MPE MFUMU YA BAMFUMU.*

*Mpe mu monaka wanzio . . .*

360 Ntangu yayi beno tala mbote. Ntangu yayi Yandi ke kwisa, samu na kubula. Nani Yandi ke bula? Jézabel mpe profete ya yandi Achab, profete ya luvunu.

*Mpe mu monaka wanzio mosi ya kutelama na mwini; mpe yandi bokaka na ndinga ya ngolo, yandi tubaka na bandeke nionso ya mazulu na kati-kati ya mazulu, Beno kwisa mpe beno vukana kintwadi samu na kudia madia ya Nzambi ya nene;*

361 Yandi ke pesaka bawu madya na bibulu mpe bandeke. Ntangu yayi beno tala mbote awa na kapu yankaka, ya Buku ya Apocalypse. Mpe, beno vingila fioti, “Ke kufwa na mbele, mpe na lufwa, mpe bibulu ya ntoto.” Beno me mona? Dibuundu ya Jézabel, nzutu (kieleka) ya yandi, bandeke ke kudia yawu mpe bibulu ya ntoto. Ya kieleka kaka mutindu ya vwandaka samu na Achab mpe Jézabel, na mutindu ya kimuntu, mutindu mosi bawu ke vwanda, na mutindu ya kimpeve, dibuundu. Beno me mona yina mu zola kutuba? [Dibuundu me tuba, “Amen.”—Mu.] Mbote mingi.

362 Elie kele . . . Oh! Elie vwandaka profete na bilumbu ya Achab mpe Jézabel, na kimuntu. Mpe ba silaka yandi na kusala kima mutindu mosi, landila MUTINDU ME TUBA MFUMU, na kati ya Ndinga, na Jézabel, na kimpeve; mutindu ya Kimpeve ya ministere ya yandi.

363 Beno tala mbote. Elie, ata ti, na kilumbu na yandi, ba siamisaka yandi mbote-mbote mpe na mutindu ya kulunga, yandi lendaka ve kuvutula bawu na Ndinga. Ya kieleka? Kasi,

Elie mekaka, na mutindu nionso. Yandi salaka nionso. Yandi—yandi talisaka bidimbu mpe mambu ya ngitukulu; mpe bawu sekaka yandi. Kima ya mutindu mosi ba ke sala na kimpeve awa, beno me mona. Yandi lendaka ve kuvutula bawu na Ndinga. Na kati ya mafuku. . .

364 Ntangu yayi beno kuwa, dibuundu, na bukebi ntangu yayi, beno yina kele fioti na kidi-kidi na zulu ya yayi.

365 Na kati ya mafuku yina vwandaka na yinza, na bilumbu ya Elie, ntangu Jézabel mpe Achab vwandaka yala, na—na mutindu ya kivudi ya bubu yayi; kuna na yinza ya muvimba, ya vwandaka kaka na nkama sambwadi yina vulukaka, yina Elie longakaka. Ya kieleka? Ya kieleka.

366 Beno tala, Elie zabaka ata fioti ve mosi ya bawu. Yandi banzaka ti yandi vwandaka mosi kaka yina vulukaka, tii kuna Nzambi zibulaka mosi ya Bidimbu mpe talisaka yandi mansweki na kati ya Buku, ti Yandi vwandaka na bantu bankama sambwadi yina fukamaka ve na ntwala ya ba-credo yina bawu vwandaka na yawu. Ntangu Nzambi zibulaka Buku ya Yandi na Élie, Yandi tubaka, “Ntangu yayi vingila fyoti, mwana. Mu me kuzwa bankama sambwadi yina me bikana samu na munu, kuna, yina kele na bankumbu ya bawu na Buku kubanda mbandukulu ya yinza. Bawu kele ya Munu.” Fiou! Nzambi me zibula Bidimbu.

367 Ya kele samu na yina mu banza ti Jean vwandaka boka ngolo mingi na nokokila yina. Ya fwana vwanda yandi monaka nkumbu ya yandi Kuna, beno me mona. Beno me mona?

Kilumbu mosi Nzambi zibulaka. . .

368 Élisée, yandi longaka. Yandi salaka nyonso, mpe—mpe—mpe longaka na ntima ya yandi nionso. Yandi salaka nionso yina yandi lendaka sala, mpe kasi ba vwandaka seka yandi kaka, mpe ba vwandaka bokila yandi na bankumbu nionso, mpe tubaka, “Nge ke kikuma ya nyonso yayi. Nge ke nganga-nkisi. Nge ke muntu yina ke nata mpasi yayi nyonso. Beno kele ya kubwa,” mpe nyonso mutindu yina. Yandi tubaka nyonso na yandi. Jézabel titisaka yandi na kuzenga yandi yintu, mpe nyonso yankaka yina. Ya kele kieleka. Muntu nyonso vwandaka telemina yandi.

369 Mpe na manima yandi tubaka, “Mfumu, na manima mu me sala yayi, nyonso yina Nge tubaka na munu na kusala! Mu me bikana ya kieleka na Ndinga ya Nge. Ntangu Nge tubaka na munu kima mosi, mu vwandaka na boma ve. Mu kwendaka na ntwala ya ntinu, mpe nyonso yankaka, mpe tubaka na bawu, ‘MUTINDU ME TUBA MFUMU.’ Mpe Nge me tubaka na munu kima mosi ve, mpe mu me tuba ve na bawu kima mosi, yina salamaka ve. Mpe ntangu yayi munu yandi yayi awa, mosi kaka me bikana, na kati ya nkonga nyonso. Mu kele mosi yina me bikana, mpe ba ke na kumeka na kufwa munu.”

370 Nzambi tubaka, “Mu ke zibula Kidimbu mosi mpe mu ke talisa na nge kima mosi.” Yandi tubaka, “Nge zaba, mu ke na nkama sambwadi na manima kuna, yina me fukama ata fioti ve na . . . yina me landa ve mosi ya ba-credo yayi, ba-denomination yayi. Ya kele na bankama sambwadi ya bawu ya kukubama samu na Enlevement, beno me mona.” Oh! Oh! Yandi tubaka na profete ya Yandi, yina Yandi ke monisaka Ndinga ya Yandi, beno me mona, na kati ya Masonuku. “Mu ke na bankama sambwadi dyaka, yina mu me kukubika samu na nsungi yayi; bankama sambwadi na kati ya bawu. Bawu me fukama ve na ntwala ya kima mosi” (kana mu lendaka tuba yawu na kilumbu yayi) “ba-organisation ya nsambululu, mpe ba-credo ata mosi ve me kota, na kati ya bawu.”

371 Beno me mona yina mu zola kutuba? Na yina, ya fwana vwanda kaka. Ya fwana vwanda kaka. Mpe ya kele landila Ndinga. Ntangu muntu yango ke kwisa, yandi ke vwanda profete. Kaka mutindu mu me telama na chaire yayi. Beno me mona? Mpe yandi ke vwanda kaka na Ndinga yayi. Yandi ke kulumuka ve samu na credo to kima yankaka ve. Ya kieleka. Yandi ke vwanda muntu ya mfinda, mutindu Élisée wandaka, yandi . . . mpe mutindu Jean kwizaka. Yandi ke—yandi ke yina bakento, (oh!) bakento ya kukondwa buzitu! Fiou! Oh, yandi ke semba bawu! Élie salaka yawu, mpe mutindu mosi salaka Jean. Beno me mona? Beno me mona? Mpe yandi ke vwanda ya kusungama na Ndinga yina. Yandi ke telemina—telemina ba-organisation. Organisation? “Beno banza ve ti, ‘Beto ke na Abraham tata ya beto,’ samu ti mu ke tuba ti Nzambi kele na kiyeka ya kubasisa na matadi yayi bana ya Abraham.” Beno me mona? Kieleka.

372 Ntangu yayi, beno bawu yayi, bankundi. Awa kele Kidimbu ya Yiya, me zibuka. Mpe minati-mpunda ya bampunda yiya me monisama, na luzabu ya munu ya kulutila mbote. Ntangu yayi, yayi kele nionso yina salamaka na zulu ya ntoto.

373 Kidimbu yina me landa, beto ke mona, kele na Zulu, kisika mioyo kele na nsi ya autel.

374 Ntangu yayi, kaka samu na kumanisa, mu zola kutuba mwa bampova yayi . . . kaka mwa bampova fioti, awa, mu sonikaka. Beto me zonzila mpe me zonzila, na zulu ya Bidimbu yiya yayi, Bidimbu yiya ya ntete.

375 Ntangu yayi, mbasi na nkokila, beto—beto ke soba kisalu, kubanda na bima yina me salama na ntoto. Yandi ke tala na zulu awa mpe ke mona mioyo na nsi ya autel, ya munkayulu, na nsi ya autel.

Nkokila yina ke landa, lufundusu ke bula.

376 Mpe nkokila ya yiya, to na nkokila ya nsuka, na Lumingu na nkokila, mu zaba ve yinki. Mu zaba ve yina bayankaka yayi zola kutuba. Mu ke tangaka kaka yawu, mutindu beno. Kasi, “Ya

vwandaka swi na ngunga mosi na ndambu,” kasi ya vwandaka na kima mosi salamaka. Mu ke na kuvingila Yandi kutalisa Yawu. Yandi ke sala yawu. Mu ke sepela ti Yandi ke sala yawu.

377 Beto me baka, bisika mingi na Masonuku, tii na Apocalypse 19, samu na kulakisa Nkwizulu ya Klisto ke kufwa mbeni ya Klisto. Ya kele samu na yina mu me kangama ve, na kubaka banzila zole yayi. Mu zolaka kwenda na bisika yankaka na Masonuku, samu na kusiamisa bima yayi. Na yina ya kele samu na yina mu kwendaka na Apocalypse 19, samu na kutalisa nsuka ya mbeni ya Klisto, yandi ke kufwa; Klisto, ntangu Yandi ke kwisa, Yandi ke kufwa mbeni ya Klisto.

378 Na Apocalypse 10, samu na kulakisa ti Nsangu ya wanzio ya sambwadi ke vwanda muntu, na bilumbu ya nsuka yayi, mupakulami ya Nzambi samu na ministere mosi kaka mutindu Elie profete me sala yawu, mutindu ba zabisaka yandi na ntwala na Malachie 4, samu na kumonisa Ndinga ya kieleka (ya kieleka) ya Nzambi na nsungi yayi, Ndinga ya Nzambi ya kisina na nsungi yayi. Mutindu yandi salaka na Jézabel ya kimuntu, mutindu mosi muntu yayi ke sala na Jézabel ya kimpeve, mabuundu ya denomination. Mu zolaka kwenda na kapu ya 7 . . . kapu 10, nzila ya 1 tii na 7, samu na kusiamisa ti ya vwandaka kieleka. Mpe kuna na Malachie, mpe Amos, mpe nionso yina, samu na kusiamisa yawu.

379 Elie vwandaka profete yina pesaka profesi mpe fundisaka Jézabel, na nsungi yina.

380 Mpe Elie kufwaka ata fioti ve. Ata fioti ve. Yandi monikaka diaka, na mwa bamvula nkama nana na ntwala, na lweka ya Yesu Klisto, na Mongo ya Nsobolo. Yandi kele ya kufwa ve.

381 Ntangu yayi, beto ke mona ti Mpeve ya yandi ke pakula muntu mosi, landila nsilulu ya Nzambi, na bilumbu ya nsuka; ba silaka na kusala mutindu mosi na mpeve ya Jézabel, mutindu yawu salaka na Jézabel ya kimuntu, na nsungi ya nsuka.

382 Ya kele samu na yina mu—mu me baka bisika mingi na kati ya Biblia, samu na kusiamisa yawu, samu ti ya ke vwanda ve na kiuvu na mabanza ya beno. Kana ya kele, beno ke zabisa munu. Mbote, beno sonika na munu mukanda to mwa noti mosi.

383 Mpe ya ke wisana na mutindu ya kulunga, tii na bibulu ya mfinda yina ke bebisa bantzutu ya bawu ya kimuntu na bilumbu ya nsuka, ke kudia yawu mutindu bawu salaka na ntangu yina.

384 Landila luzabu ya munu ya kulutila na luzayikisu, yina ba pesaka munu na Nzambi mpe tubaka na ntwala ti ya ke salama, yayi kele Kieleka ya minati-mpunda yiya, na mutindu mu me zaba.

385 Yinki beno ke banza samu na Yesu?



Mu zola Yandi, mu zola Yandi  
 Samu Yandi zolaka munu ntete  
 Mpe futaka mpulusu ya munu  
 Na yinti ya Calvaire.

<sup>386</sup> Ntangu yayi beno bambuka moyo, ve na . . . (Yawu yayi; beno kwenda na ntuala; ya kele mbote.) Mu ke telemina ve bantu yina ke na ba-organisation! Samu, Nzambi ke na bana na kati ya systeme ya Katolika. Yandi ke na bana na kati ya systeme ya ba-Methodiste. Yandi ke na bana na kati ya systeme ya ba-Baptiste. Bantu yikwa awa, ya bayina me basika na ba-systeme yayi nionso ya kuswaswana, me talisama awa na nkokila yayi, yina me basika na kati ya yawu ntangu beno monaka Nsemo? Beno telemisa maboko ya beno. Ntangu yayi, beno bambuka moyo, ya kele na bantu yina me basika kuna mutindu beno. Kasi ya kele systeme ti ke kufwaka, beno me mona. Ya kele mpeve ya mbeni ya Klisto yina na nsuka ke nata bawu na kisika yina ti ba ke kuwa Kieleka ve.

<sup>387</sup> Mpe beno ke bambuka moyo na nkokila yina, ntangu mu vwandaka zonzila kubaka kidimbu? Kana muntu mosi me kuwa lubokilu ya jubilé, mpe yandi me manga na kuvwanda na kimpwanza, ba vwandaka nata yandi na dikunzi mpe vwandaka tobola dikutu ya yandi na mutunga. Dikutu kele kisika beno ke kuwaka. “Mpe lukwikilu ke kwizaka na nzila ya kuwa.” Na yina kana yandi kuwa Yawu, mpe yandi manga na kundima kimpwanza ya yandi, na yina yandi kele . . . yandi fwana sadila mfumu ya yandi ya denomination luzingu ya yandi nyonso. Amen.

<sup>388</sup> Oh! Oh, la la! Yandi kele mbote ve?

Mu zola Yandi, mu . . .

Beto telemisa kaka maboko ya beto ntangu yayi mpe beto sambila Yandi.

Samu Yandi zolaka munu ntete (Nkembo!)  
 Mpe futaka mpulusu ya munu  
 Na yinti ya Calvaire.

<sup>389</sup> Ntangu yayi beno kulumusa yintu ya beno, mpe beto sambila Yandi ntangu yayi mutindu beto ke niunguta yawu.

<sup>390</sup> Mfumu, wapi mutindu beto ke vutula matondo! Mu ke na kiese mingi, Mfumu, mu ke na kiese mingi samu na Nge mpe bantu ya Nge. O Mfumu, Nge me sumba mpulusu ya beto na Calvaire. Beto ke na kiese na kundima yawu, Mfumu.

<sup>391</sup> Ntangu yayi meka beto, Mfumu, na nzila ya Mpeve ya Nge. Mpe kana ya kele na mpeve ya yimbi na kati ya beto, Mfumu, kukondwa lukwikilu nyonso na Ndinga, muntu nionso awa, Tata, yina me ndima ve konso nsilulu ya Nzambi na “amen”; bika ti Mpeve-Santu kukulumuka ntangu yayi, Munati-mpunda ya mpembe, na yina Mpeve ya Yandi, Mpeve ya Klisto, ke telemina

mbeni ya Klisto, mpe ke bokila Bantu ya Yandi. Bokila bawu kuna, Mfumu.

<sup>392</sup> Bika ti ntangu yayi bawu balula ntima, bawu kwisa na nswalu nionso na Nge mpe bawu fuluka na Mafuta mpe vinu; mpe kusoba katuka na robe yina ya denomination ya lufwa ya Cain, na robe ya mpembe mutindu mvula-mpembe ya Luzingu ya Kukonda nsuka, yina Bakala ya makwela ke pesa. Mpe na yina ba ke kwenda na Madia ya Makwela kilumbu mosi, na Ndinga yina me siamisama ya mvumbukulu. Pesa yawu, Mfumu. Tala bantima, na yina bantu ke vingila Nge. Na Nkumbu ya Yesu!

<sup>393</sup> Ntangu yayi, beno tala kaka ntima ya beno, mpangi ya munu ya bakala, mpangi ya munu ya kento, nkundi ya munu. Mu me vwanda na beno kubanda ntama. Pene ya bamvula makumi tatu na tatu. Mu me tubaka na beno ntete kima mosi na Nkumbu ya Mfumu yina me salamaka ve? [Dibuundu me tuba, “Ve.”—Mu.] Beno sosa Klisto ntangu yayi na yina beno me kuzwa siansi. Ya lendaka vwanda malu-malu yayi beno lendaka ve kusala yawu. Beno me mona? Yandi lenda bika kiti, ya Yandi ya kusambila, na konso ntangu yina; na yina beno lenda dila na ntima ya beno ya muvimba, beno lenda diata, beno lenda tuba na bandinga, beno lenda kima mbangu nsongi na nsongi ya kivinga, beno lenda sala nyonso yina beno zola, mpe kukota na konso dibuundu na yinza, ya ke na kima mosi ve, ata décolorant mosi diaka ve samu na disumu ya beno—ya beno. Na yina yinki, wapi kisika beno ke vwanda na ntangu yina?

<sup>394</sup> Mbote, mu ke kwikila, na ntima ya munu ya muvimba, kiti kele diaka ya kuzibula. Mu ke kwikila ti Yandi kele kaka na zulu ya Kiti ya kimfumu ya Nzambi. Kasi ntama mingi ve Yandi ke vumbuka, mpe ke basika, samu na kulomba yina Yandi me vulusaka. Yandi ke sala kisalu ya Tata Mukudi, na ntangu Ruth ke vingila.

<sup>395</sup> Kasi ntama mingi ve, beno zaba, na manima ya Boaz salaka kisalu ya tata, na manima yandi kwizaka mpe lombaka kima ya yandi. Mpe ya kieleka yawu yina Biblia me tuba ti Yandi salaka, “Yandi kwisaka mpe bakaka Buku.” Na kulomba me suka; Yandi me basika na Kiti ya kimfumu; ya kele dyaka ve na Menga na Kiti ya Kyadi. Mpe na yina yinki ya kele? Kiti ya Lufundusu.

<sup>396</sup> Beno tuba ve, mosi ya bilumbu yayi, “Mu banzaka ti Enlevement ke salama.” Mpe samu na kuwa Ndinga kutuba, na beno, “Ntangu me luta.” Nzambi kusadisa beno!

Ntangu yayi beto kulumusa bayintu ya beto.

<sup>397</sup> Mpangi Neville, kwisa, samu na kumanisa to nionso yina nge fwana sala. Nzambi sakumuna beno, tii mbasi na nkokila. [Mpangi Neville ke sambila—Mu.]



*KIDIMBU YA YIYA* KNG63-0321  
(The Fourth Seal)

BANDANDANI YA LUZAYIKISU YA BIDIMBU SAMBWADI

Nsangu yayi ya Mpangi William Marrion Branham, kulongamaka na Kingelesi, na Kilumbu ya yiya na nkokila, na kilumbu ya 21 ya Ngonda ya tatu, na mvula 1963, na Branham Tabernacle na Jeffersonville, Indiana, U.S.A., yina bakamaka na bande manietiki mpe basisamaka na muvimba nionso na buku na Kingelesi. Lubangulu yayi na Kikongo basisamaka na buku mpe ba kabulaka yawu na Voice Of God Recordings.

KIKONGO-KITUBA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kisdilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)